

63950

21-2



42
491

2231

黃先生洪範明義卷之一

李
清
盧之頤子繇甫較

訪箕章第一

惟十有三祀王訪于箕子

王乃言曰嗚呼箕子惟天陰隲下民相協厥居
我不知其彝倫攸敘

陰隲下民本之於天相協厥居參之於地彝



倫攸敘稽之於人是三極之總也易曰立天之道曰陰與陽立地之道曰剛與柔立人之道曰仁與義陰陽剛柔一仁義也仁義在天以隲陰陽在地以協剛柔武王所問箕子所答皆是物也

箕子乃言曰我聞在昔鯀陘洪水汨陳其五行帝乃震怒不畀洪範九疇彝倫攸斃鯀則殛死禹乃嗣興天乃錫禹洪範九疇彝倫攸敘

武王爲九疇而問箕子爲九疇而答大禹之道將明於周體國經野設官分職皆從此出故三代之法禹立其極矣鯀陘洪水削高就下山川之敘失其行列蓋天地之用著于五行五行之質著于山川垂象成形人民攸托雖聖人不能盡知亦莫之敢亂也乃震乃錫首發帝天寶愛之道爲聖人敬受張本於陰陽剛柔仁義之說有獨得其微者矣下章稽

疑庶徵嚮威之用皆明帝天震錫之意以五行五事相終始云

敘疇章第二

初一日五行

陰陽者天地之氣五行者天地之質氣質具而性命行乎其中氣非質不具理與氣共質故但曰五行不曰二氣二氣者易之治五行者範之治易與範共爲治也一爲十始復起

於十天地所爲用卽天地所爲體故統領其文不復言用明疇體之有九用初一之備十體也

次二曰敬用五事次三曰晨用八政

晨原作農

次四

曰協用五紀次五曰建用皇極次六曰乂用三德次七曰明用稽疑次八曰念用庶徵次九曰

嚮用五福威用六極

極原作極

是九疇之目蓋兼圖書而用之也河圖有文

自一至十故曰一六居上二七居下三八居
左四九居右五十居中是依五行之位以爲
彝倫範之正也雜書有文去十爲九故曰戴
九履一左三右七二八通肩六四通足五居
其中是準十五之數以爲疇列範之奇也雜
書以九而致用故五事敬用是生晨協建又
明念嚮威之用河圖以十而命體故五行爲
體是通事政紀德疑徵福極之體圖書分說
雖有異同其於不泐五行不數倫序居一以
御萬執兩而用中發揮皇極原本帝天則其
義一也世儒不知圖書爲易範之原始但以
辨方正位粗舉其端又不知五行爲相協之
大事但以生克順逆略綜其槩凡自漢儒而
下錯舉陰陽災異之說皆一併詆爲矯誣妖
妄是以震錫莫聞君心不戒禹箕之學無得
而稱焉今以雜書分疇具圖於後

雜書原圖

是即所謂戴九履一左三右七二八通肩六



四通足五居其中者也神龜所負文有疇刻
 聖人則之以觀象設教五行出於北極一者
 辰極之位故五行宅焉二者鬼神所宗鬼神
 立於西南為敬用之始故五事位焉有五事
 則有庶徵故敬者所以致念也政事明於東
 作為晨用之始故八政位焉有八政則有稽
 疑故晨者所以致明也聖賢立於西北為又
 用之始故三德位焉有三德則有五紀故又

者所以致協也福極明於南方與五行共治
嚮之者福悖之者威二用交致以歸於皇極
故皇極五行威福帝天之中路也九疇八貫
四週各十有五曲折勾股或離或合出入皇
極少極於六多極於二十四圭黍三重少極
於三多極於二十七升降消長朔望盈虛備
於是矣箕子以是命疇周公以是命卦九疇
之卦七百二十九因而乘之五十三萬一千

四百四十一皆有敬念晨明協又建嚮威之
用猶易之有出齊見役說戰勞成也易用八
而疇用九以易之太極爲疇之建用則亦皆
九矣以疇之九數歸易之六爻則亦皆八矣
易主日月疇主星辰二五參合天道乃明周
濂溪曰陰陽一五行也五行一太極也語雖
渾囇而意不甚失
臣觀古人天人精蘊備在是疇箕子爾時必

有圖象繫綴明白易言圖書不稱爲箕子所作蓋羲禹以前有之箕子必述舊法先爲圖象後以敷言分屬其下也其法以君心爲主謂之皇極上下四旁備列天人以鑒觀省察互成其用一天而九人爲性命之本三人而七天爲事業之原四天而六人以考成政治二人而八天以終始道德左右天人一貫互用以易稽之則乾坤震三者易之綱領皆爲

人事艮巽兌三者易之妙應皆爲天道坎離戊巳則帝天操柄與王者相參鬼神臣工所從取命也知其說者之于天下其如示諸掌

乎

五行章第三

一五行


一曰水二曰火三曰木四曰金五曰土

水曰潤下火曰炎上木曰曲直金曰從革土爰

稼穡
潤下作鹹炎上作苦曲直作酸從革作辛稼穡
作甘

質非性也質具而性見焉體非用也體具而
用見焉因其質以為人事因其用以為道化
故有潤下炎上曲直從革稼穡之事而王者
及物之功皆盡有作鹹作苦作酸作辛作甘
之化而聖人體物之情皆見矣是章五行之

序皆在河圖因列河圖於後



是即所謂一六居後二七居前三八居左四

九居右五十居中者也五行生成各以其方
圓而視之其象六乘彼此參變爲數百萬故
河圖以五十五爲象以百萬爲數水之潤下
火之炎上木之曲直金之從革縱橫稼穡與
土相得不可易也以五十有五各自相乘爲
三千二十五故以百萬爲用三千二十五爲
體經緯六十四卦而成象成形相協之故舉
可知也

臣按雜書自爲九疇之序河圖自爲五行之
序九疇五行雖共一範而各自爲序非有河
圖主生雜書主剋之說也惟五行災異之論
本以上天示儆人主省愆稽古證今不爲臆
說而儒者動云春秋不書事應深詆伏董歐
劉之學不知春秋事應散見諸篇立經主簡
則文義分行爲傳尚通則組織必至今以世
無通貫之經而謂經無證應之義可乎故復

以河圖再繫五事而略舉徵應錯見于後云

五事章第四

三五事

一曰貌二曰言三曰視四曰聽五曰思

貌曰恭言曰從視曰明聽曰聰思曰睿

恭作肅從作乂明作哲聰作謀睿作聖

範為五行攸敘而作則五事曰從五行倫次

秩然不可易也伏歐夏劉以木金火水為序

近於汨陳五行者矣然其所錄春秋事應亦

多不符五診之例蓋天道人事互相表裏天

作于先而人應之謂之明兆人作于先而天


應之謂之譴告因天以儆人因人以祇天晝

參之著龜夜卜之夢寐仰觀俯察皆以敬事

為本作聖為終雖古今異說不必盡符併存

其意可也

五事配合五行圖



在天曰五行在人曰五事五行居於正北而

五事處於西南五行與福殛爲衝其道甚大
 五事與庶徵相會其幾甚細故以五行抵五
 事其應不能悉合以五事抵庶徵其兆亦不
 能甚著也要以地道用六天道尚九三微成
 著天人呼應近者三年之內遠者九載之外
 禪竈策陳五年而封申胤推燕一紀乃復而
 今定以春秋指其事應雖蘭菊不能必其皆
 華露霜亦有爽其節候矣必總攝一君該貫

時事理數參同可得而言焉

水行汨敘

魯桓公元年秋大水鍾巫之餘沴也

桓公十三年秋大水彭生之先兆也

莊公七年秋大水防穀之沴再見

莊公十一年秋宋大水明年宋萬弑其君

莊公廿四年秋大水姜氏入宗婦覲用幣

莊公廿五年秋大水慶父之先兆也

宣公十年秋大水亦爲貴戚主兵

成公五年秋大水亦爲貴戚主兵

襄公二十三年穀洛水鬪毀主宮王室主災

襄公二十四年秋大水亦爲國弱兵繁

秦武王三年渭水赤商鞅主災

漢惠帝三年四年八年河南漢中皆水

文帝十二年十五年東郡藍田大水夷狄犯邊

武帝建元二年春平原水溢始用衛青

元光三年春河徙入渤海冬殺竇嬰

元鼎二年夏大水殺丞相青翟通使太宛

元帝初元元年二年五年諸郡水應在石顯

成帝建始三年河平三年三輔水應在諸舅

漢光武六七八年郡國水不應

建武二十四年睢水逆流三十一年災不應

明帝永平三年七年京師郡國水不應

和帝永元元年郡國秋大水應在竇氏

永元十年十二年夏大水應在鄧氏

殤帝延平元年大水是應亦在鄧氏

安帝永初元年冬河南湧水兵起應在鄧氏

永初三四五年京師郡國大水鄧閻合診

永初六年河東池水赤鄧氏主災

延光三年大水王聖主災殺太尉楊震

順帝永建四年五郡大水十九侯之餘診也

質帝本初元年北海溢梁冀主災於玉堂

桓帝建和二年秋京師大水陳留長平盜起
建和三年永興元年二年水溢應在梁氏
永壽元年雒水溢入城門中官始行三年喪
延熹八年九年夏濟北平原河清立竇氏
靈帝建寧四年春河清夏水湧侯覽主災
熹平二三四四年水溢是有宣陵孝子
中平五年六郡國水湧張讓主災
獻帝建安二年秋漢水溢殺太尉彪

建安十八年秋水溢應在曹氏主災

建安二十四年秋漢水溢孫權襲殺關羽

以上四十災有徵應者三十七建武有廢

太郭后及東海王事永平有馬氏之立及陰

太后喪疹發中官借其前平以悲後艱天

心仁愛於是可見也

魏黃初四年夏伊維溢先主崩于永安

景初元年冀亮徐豫四州水應在司馬氏

吳赤烏八年十三年三十年水溢應在與魏

晉武帝泰始四年秋青徐兗豫大水應賈氏

咸寧二年魏郡水溢荆州大水上大鮫色

咸寧三年夏秋冬俱水賈充主災

太康二年泰山江夏湧水夫選吳伎於宮中

太康五年在城水赤六七年郡國水應胡災

惠帝元康五年六年荆揚大水應在賈氏

范康八年金墉城并溢趙主倫主災

永寧元年官中并溢秋大水齊王冏主災

太安元年兗豫徐冀四州水應在張方舉

元帝大興三年四年大水石頭之先兆也

明帝大寧元年諸郡大水王敦主災

成帝咸和元年夏大水應在庾氏

咸和二年京師大水蘇峻主災

穆帝永和四五年夏大水亦為國弱兵繁

永和七年秋濤水入石頭亦為權貴主兵

升平四年姑臧澤有火五年大水應在桓氏

太和六年夏水浸太廟桓溫主災

簡文咸安元年冬濤水入石頭喪重於兵

孝武帝大元三五六六年大水應在符兵

大元八年十年十三年大水亦為國弱兵繁

太元十五年夏濤入石頭玄恭之先兆也

安帝隆興三年夏荊州大水應在殷仲堪

隆興五年夏大水應在孫恩齊王固主災

元興三年濤入石頭漂萬舟桓玄主災自滅

義熙二三年濤入石頭應在劉氏

義熙十年十一年夏秋湧水浸太廟應劉氏

以上自漢至晉終六百二十一年災之正

應五十八惟哀平十二年懷愍十年水災

不告非哀平懷愍貌皆作肅亦非衰漢亂

晉水獨潤下也其丁寧於先譴告不倦在

元成武惠之間禍謫已多及於哀平懷愍

安受其敗雖譴告之無益矣留覽之亦可
以深省也

宋文帝元嘉五年七年都下大水無應

元嘉十二年十七十八九年都下大水無應

元嘉二十五年水澹謂之地鏡魏宋兆殃

齊廢帝永元元年秋都下大水應在南康

梁天監二年夏南郡水應在陳劉

天監六年七年八年南康大水淮堰主災

大通五年御道没水災在浮圖

後周大象元年咸陽水爲血是爲國殃

隋文帝開皇十八年河南八州水楊素主災

仁壽四年河南北大水廢蜀王秀應在子廣

煬帝大業三年水漂河南三十郡應在長城

唐太宗貞觀三年山東六郡水應在大安宮

貞觀十一年穀水入宮毀宮門應在武氏

貞觀十六年至廿二年諸州皆水應武氏

貞觀廿四年至調露二年河水屢清應革命

高宗永徽元年郡國大水災應王后薨

永徽五年夏水入玄武門溺衛士武氏主災

顯慶元年東海溢廢子忠立弘

顯慶四年連州湧水殺趙公無忌

總章三年東海溢冀州大水咎在李勣

咸亨元二四年水溢應在武承嗣

上元三年東海溢青齊大水天后殺太子弘

永隆元年二年河南北大水廢太子賢

永淳元二年洛水溢河溢應在乾陵

如意元年夏秋洛水大溢諸王災是革唐正

長壽二年棣河溢神功元年括州水

聖曆二年洛水壞天津橋三四年諸州大水

神龍元年夏水秋洛水溢武廢復立韋氏

神龍二年地鏡見洛水壞天津橋是殺五王

景龍三年密州水四年并溢韋氏主災

玄宗開元三四年洛瀍溢應在契丹

開元八年穀洛溢入上陽宮與道坊陷

開元十年伊水溢諸郡水應在楊思勗

開元十四五年河南北大水澗穀溢

開元十八年洛水溢壞橋梁是兆東宮

開元二十二年關輔水應在李林甫

開元二十三年江淮大水應在壽王妃

開元二十九年洛殿上陽宮安祿山主災

天寶四年河南夫水冊貴妃

天寶十載廣陵溢為祿山起第

天寶十三載瀍洛壞十九坊盡易漢將

代宗寶應元年河清李輔國主災

廣德二年洛壞卒太坊應在僕固懷恩

大曆二年七年十年諸道水應在吐蕃

大曆十二年京畿大水是兆諸鎮

德宗建中元年幽鎮魏博大水應在盧杞

貞元三三年東都大水應間架除陌錢

貞元四年河水黑流入汴吐番主災

貞元十一年朗蜀建州水是兆寶霍

貞元十八年申蔡大水吳少誠主災

貞元二十一年五溪水闕

憲宗元和四年渭南暴水應在吐突承璀

元和七八年百川俱汎城及宰輔

元和廿二年京畿水傾殿柱乃平吳蔡

元和十五年南郡水應在王守澄

穆宗長慶二四年郡國大水是兆諸閹

敬宗寶曆元年京畿水劉克明主災

文宗太和二年至八年諸郡大水訓注主災

開成元年至四年郡國大水仇魚主災

宣宗大中十二三年郡國大水王宗實主災

懿宗咸通元年水毀諸門河東諸軍亂

咸通六七十四年諸郡水劉韓主災

僖宗中和三年淮汴關黃巢至災

光啓元年州江水赤田令致至災

昭宗乾寧三年夏盜決滑河乃淹諸州

後唐同光三年洛壤天津橋伶人主災

長興三年諸州大水應在石氏水主災

晉天福四年伊雜瀍澗皆溢契丹之餘沴也

周廣順二三年諸州大水應在柴氏關

宋太祖建隆元年二年河決汴溢無應

乾德二年至六年河皆溢無應

開寶四年五年汴決京師大水爰放宮人

開寶六七八九年郡國京師皆水是將易嫡

太平興國二年至九年郡國皆水應在太宗

端拱元年英州水契丹入涿及祁

淳化元年至四年諸郡大水應在趙保吉

至道元年二年郡國大水應在永熙陵

真宗咸平元年至五年諸州大水應在契丹

景德元年至四年河溢是和戎天書將下

大中祥符二年至九年諸州水是漂天書

天禧三年河決浸徐州應在乾祐山

仁宗天聖四年六年郡國水無應

嘉祐元年大水壞壇壝災在皇嗣

神宗熙寧元二年河決應在王氏

熙寧七八九十年河決應諸新法

元豐四年諸郡水李憲王災

哲宗元符元年二年河溢章蔡主災

徽宗崇寧元年京城水應在端禮門

大觀元二年京畿大水河又數清應在童蔡

政和五年東郡大水童貫領六路邊

宣和元年京師大湧水馬政主災應郭藥師

高宗紹興十二年經渭灞澶皆竭

紹興十四年田水自闕井溢如雷金來册命

紹興廿八三十年大水金殺宋遠宗室

孝宗隆興元二年吳越大水應在和議

乾道二四五年諸郡大水應于鞏洛之原

淳熙元四年濤決錢塘無應

淳熙十五年諸郡大水災在德壽宮

光宗紹熙四年諸郡大水災在重華宮

寧宗慶元元元二三年東郡大水籍偽學逆黨

開禧元年大水以伐金詔四方

嘉定十五年鹽海失故道金犯京東西州

理宗紹定二年白州大水李全主災

淳祐十三年諸郡大水應在賈氏

元世祖至元十四年潮入臨安宋室以沒

至正二十廿二年郡國大水應會稽諸陵

至正廿三至廿七年大湧水應在元主

成宗元貞元年蘭河清南郡大水應在緬甸

大德元四六年諸路大水應在中宮

武宗至大元年至四年諸路水胡僧主災

仁宗皇慶元二年諸路大水鐵木迭兒主災
英宗至治元年北地大水是兆南坡

泰定帝元年北地河俱溢兆在懷梁

文宗至順元年江南大水是六載四君

順帝元統元年京畿大水燕鐵木兒主災

至元元年至六年郡國大湧水伯顏主災

至正元年至八年百川皆湧江水溢兵起

至正十八年京師及諸郡水是洗胡膺

以上自劉宋至元末九百四十五年災之

部正應一百十八惟元嘉一二十年建隆乾

德三二十年無事耳唐僖宗十餘年元祐

八年不見水災元祐之災壓於德乾符廣

明之災分於賊何可同也齊梁魏周之間

官壤地分裂有難為紀者矣要於女主奸人

夷狄盜賊陰邪之沴皆察以貌何可誣也

管火行涓敘

魯桓公十四年御廩災屢盟長亂祭祠不時

僖公二十年西宮災南門之餘疹也

宣公十六年成周宣榭火召毛之訟不治也

成公三年新宮災亦以禮儆也

襄公九年宋災是兆楚鄭之師

襄公三十年宋災弭兵城杞向華受之

昭公九年鄭災為鐸刑書與火爭明

昭公九年陳災殺偃師之餘疹也

昭公十八年宋衛陳鄭災四國同禮

定公二年雉門及兩觀災兆在鸛鶴

哀公三年桓釐宮災實使季氏以為災主

哀公四年亳社災以戒亡國

威烈王三年火下於晉有聲如鼓三國受之

漢高后元年趙崇臺災呂女與讒趙王受之

惠帝四年未央宮凌室織室災應在後宮

文帝七年東闕梁恩災應在諸侯王

景帝中五年東闕災匈奴入鴈門

武帝六年遼東高廟災高園便殿火有喪

太初元年柏梁臺災是遣貳師應在浚稽

昭帝元鳳四年孝文廟災是上冠應在皇躬

宣帝甘露元年太上皇及孝文廟火

甘露四年未央宣室火有狄來應在皇躬

元帝初元三年茂陵白鶴館災應在石顯

永光四年杜陵東闕災石顯殺張猛

成帝建始元年皇考廟災禮不應也

鴻嘉三年孝景廟北闕災廢許皇后

永始元年陵室及戾后園災應在昭儀

永始四年臨華殿東司馬門霸陵東闕災

哀帝建平三年鴻寧殿災應在傅氏

平帝元始五年高廟殿門災王莽禍著

新室地皇三年霸橋災兵起

光武建武六年雒陽市火是有越禮

建武廿四年高廟北門災亦有狄來

章帝建初元年壽安殿災兆應清河

元和三年火燒北宮西闕應皇躬

和帝永元八年火燒南宮宣室有喪

永元十三年北宮饌閣火明年陰后廢

安帝永初元二年南郡皆火南單于叛

永初四年杜陵園火鄧氏受之

元初四年武庫火是主叛羗

延光元年陽陵寢殿災宋楊京閩主之

順帝永建三年茂陵寢殿災孫程王康主之

陽嘉元年恭陵災及東西幕府立梁皇后

永和元年承福殿災有夷來蠻叛

漢安元年雒陽火是屢有大喪盜發憲陵

桓帝建和六年掖庭德陽殿火有喪中宮

延熹四年南宮武庫屢有火所在盜起

延熹五年宮中六處火諸嘗侍至災

延熹八年宮中火入九處立竇皇后

延熹九年火流京師民相驚是有黨獄

靈帝熹平四年延靈園災內署悉用中官

光和四年掖庭災五年永樂宮災張角亂

中平二年雲臺災延及諸殿盜寇幽冀諸州

晉武帝太康十年崇賢殿災應在諸卿司

惠帝元康五年武庫火兆廢子適王惠主災

永興二年尚書曹火延諸閣道諸王主災

懷帝永嘉四年襄陽大火應在雒陽

元帝永昌二年京都大火王敦主災土受之

明帝太寧元年京師火王敦主災劉趙應之

成帝咸和二年京師火蘇峻主災

穆帝永和五年石趙諸殿災乃滅

武帝寧康元年京師火桓温受之

太元十三年延賢堂災及則百堂道子為政

安帝元興元年尚書曹火桓玄主災

義熙十一年京都大火兆在彭城公

宋文帝元嘉七年都下火子劭主災

元嘉二十九年都下火應在子劭

梁武帝天監元年盜燒總章觀是有乖禮

普通二年琬琰殿災亦為禮罰災

中大通元年災正同泰

陳武帝永定三年重雲殿災是為捨身受之

隋大業十四年廣陽門災是為自焚

唐太宗貞觀三年甲弩庫火大喪

貞觀十三年雲陽石自燃是有思摩可汗

證聖元年周明堂火火正水所未滅也

景龍四年凌空觀災應在神龍殿王災

玄宗開元五年定陵寢殿火是亦有乖禮

開元十八年飛龍廡災是至王毛仲

天寶二載東都災不絕是有胡來王紫雲

天寶十載武庫災應在親仁坊

大曆十年火從浮圖中出田承嗣王災

德宗貞元十三年東都尚書省災王裴延齡

長慶三年幽州地有火變爲池應在清思院

文宗太和二三年禁仗火亂在興元

太和八年禁中及揚州火李仲言王災

昭宗大順二年雨與火鬪於汴盜陷成都

後唐天成四年火燒汝州營東西川亂

長興二年汴州災殺安重誨

宋太祖建隆三年京輔火是擴都城

開寶八年洋礮毫永四州火

太平興國九年乾元文明二殿災應在廷美

雍熙二年楚王元佐宮焚廢元佐

端拱二年有鳥嘶火燔衡州作開寶寺塔

淳化四年永州大火夏攻靈州盜陷成都

景德四年郢州火有喪

大中祥符八年榮王宮火延秘閣是燔天書

仁宗天聖七年昭應宮災是燔天書
明道元年火燔八殿應在元昊

英宗治平四年睦親宮火應在新政

神宗熙寧七年三司火應在條例

元豐八年開寶寺火焚試卷應在新學

建中靖國元年集禧觀火蔡京主災

政和八年掖庭大火災在神霄九鼎

高宗紹興元二三四行在皆火應在上皇

紹興九年十年行都又火秦檜主災

紹興十一年婺州建康大火是殺岳飛

紹興十二年行都又火金來冊命

紹興二十年行都又火秦檜受之

乾道二年諸州軍壘火以示罷兵

淳熙七八九年吳越楚蜀諸郡火是禁偽學

光宗紹熙二年行都及徽州大火中宮主災

嘉泰元年行都大火民舍幾盡乃弛學禁

嘉泰四年行都大火撤廟移主韓侂胄主災

嘉定十一年十二年行都火災應在大慶殿

理宗寶慶四年行都大火延太廟應在李全

嘉熙元年行都大火輿訟濟王竑

元順帝至正元年臨安大火

至正二十年火流自華山焚大都元祚乃訖

炎土之災鮮有不應者然亦至喪亂而衰

餘矣炎惑之勤不及寇攘漢自靈獻而下唐

自敬文之餘寡稱焉亦以卓催巢溫灰燼

已極奸人騁於波濤工匠輟其盤礴人竇

既塞天巧亦紆也獨在南宋行都省署無

日不災未盜之決滑河學徒之焚館舍與

乾道嘉泰之間天人互用均致其罰也大

率火爲禮候水爲淫徵禮失而寇攘爲災

國淫而奸邪縱肆夷狄乘之底於滅亡火

輕則爲喪水輕則爲盜思亂先治存乎禮

法漢儒所分以耀虛偽縱情欲為火不炎

上簡宗廟廢祭祠為水不潤下尚有偏觀

未為通論也水為濟濟則六而水難燥火

冰行相殺之間天人互用此理其理也火

晉傳公至十三年冬李梅實君不制至災

漢惠帝五年冬桃李華棗實近恒煥也

昭帝時斷柳起坐枝葉應在吳園

昌邑園社枯樹復榮亦應在吳園

元帝初元四年王氏墓梓柱榮上莽乃生

建昭五年山陽槐樹斷復起應在民社復續

成帝永始元年河南樗樹生人頭應新都侯

哀帝建平二年西平仆柱生人頭應董賢

建平三年零陵大樹斷自續應同山陽槐

桓帝延熹九年雒陽竹柏葉自傷應黨錮

靈帝熹平三年右校樗樹暴化胡形應催汜

熹平五年殿後槐皆反撥

後主景耀五年宮中大樹自折漢遂滅

建安十五年雒陽伐樹見血災應伏氏

晉惠帝元康九年桑暴長東宮廂應太子遹

永康元年東宮桑又暴長應皇孫臧

西明木變胡形是應劉曜

壯武桑化為柏是應張華

懷帝永嘉二年項縣桑哭應東海王越

永嘉六年豫章樟復榮應瑯琊

元帝大興四年王敦鈴仗生菌莖敦主災

明帝大寧元年剡縣木生人面災在越城

成帝咸和六年曲阿柳起吳縣榆起應瑯琊

哀帝興寧三年廬陵栗樹復起應在昌明

帝奕太和元年涼州楊生松應張天錫

齊後主武平五年鄴城桐作人形應在平陽

隋文帝開皇八年人家桁生條筮楚爲災

仁壽元年蘭州楊生松是易樹子

唐高祖武德九年樓柱傾復起玄武門主災
長壽二年神宮檉杉皆變爲柏應女乘男

德宗貞元四年雨木於陳畱神策士爲災

憲宗元和十五年樹無風自拔中尉主災

懿宗咸通十四年成都李實變木瓜主易姓

宋太平興國六年解木有字是兆天書

神宗熙寧二年建州獲木龍災應新法

高宗紹興廿一年桑生李栗生桃是爲易種

孝宗淳熙十六年桑生瓜櫻桃生茄

光宗紹熙五年行都雨木韓侂胄主災

元世祖十九年樟樹生黎食異類也

順帝至正廿二年祥符樹皆蒙泥象澤滅木

曲直之災始於桑穀草實之瑞表於嘉禾

雖見書序聖人不錄蓋其取用旣繁而見

診者少不得云田獵不及宿飲食不節便

釀是災要如賢奸不別邪正不分則榱棟

凡筵皆成災具矣天水而後爭言連理木
芝草解文為瑞其實華夷不別朋類混淆
如木枝理不循彝序皆妖孽也

金行汨敘
威烈王二十三年九鼎震晉蒙氏象
顯王三年雨金於櫟陽秦人應之

赧王五十九年秦取鼎一淪泗水孔氏應之
漢武帝征和二年春涿郡鐵飛應在巫蠱
成帝河平二年沛郡鐵鳴冶為分災應諸舅

宋魏明帝時西取承露盤銅狄有涕
晉惠帝元康三年殿前六鐘皆涕應在金墉
永興元年成都王軍戟刃皆有火應在蕩陰

懷帝永嘉元年石碑生金應在石氏
石勒時鄴城銅雀飛入海
陳後主貞明二年東冶鐵飛光墮自天

唐垂拱三年魏州出鐵船廣州雨金是有兵

世說新語 卷之五十五頁

神龍元年東都鐵像頭自墮是誅亂宮

天寶十載殿鐘自鳴饕鼎闕折耳足應左相

肅宗乾元二年渾儀汗應在西內

長慶中閣下鈴自鳴

昭宗光化四年殿前鐘忽嘶應式微

漢乾祐元年中書厨釜鳴郭威主災

宋建隆二年神山縣有方鐵汎水是釋重兵

至道二年桂陽鎔銀自成山岳是爲佞金

咸平四年亳州太清宮鐘自鳴是爲媚鐘

慶曆四年撫州得生金山是冊元昊

崇寧四年禮九鼎漏於北方是服女真

紹興十一年金虜戈戟夜生火光是將銷刃

紹興廿六年天雨汞是外大喪

寧宗慶元二年吳縣錢羣飛是聽學禁

凡從革汨行皆爲兵戈之咎不專若鐵銷

羣飛而已隋堯君素守蒲州兵器夜有光

如火劉武周據并州稍刃夜每有火光晉
成都王伐長沙戈戟上夜皆有火光此卽
金不從革與火災相通聽不作謀之罰也
如金石之變寥寥耳石言於晉寶化為石
自不在此例也

土行汨敘

周幽王二年三川皆震是徙厥都
魯僖公十四年八月辛卯沙麓崩霸王應

魯文公九年九月癸酉地震災應公子遂

襄公十六年五月甲子地震災應季孫宿

昭公十九年五月巳卯地震季氏主災

昭公二十三年八月乙未地震公疾乃復

哀公三年四月甲午地震應在啓陽

秦始皇十五十七年平陰大震是多營築

漢惠帝二年正月隴西地震應在呂氏

高后二年武都山崩震自正月至八月

文帝五年二月地震

景帝後元五月地震應在匈奴

武帝元光四年五月地震應在後宮

後元元年秋七月地震應在鉤弋

宣帝本始四年河南瑯琊大震應在霍氏

地節二年八月大震壞宗廟城郭霍氏主災

元帝初元二年二月大震殺蕭望之

永光三年冬地震石顯主災

成帝河平三年犍為山崩壅江震

元延三年岷山崩江逆流應在王氏

綏和二年九月丙辰大震應在皇躬

新室天鳳三年二月地震壅涇水

建武廿二年郡國四十二地震應武谿蠻

章帝建初元年三月山陽東平震

和帝永元元年會稽南山崩竇憲主災

永元四年郡國十三地震竇氏應之

永元七年九月京都震鄭眾蔡倫室災

永元九年三月隴西震應在羌賊王

永元十二年夏秭歸山崩兆廢陰后

元興元年雍地裂

殤帝延平元年恒山崩應清河木

安帝永初元年郡國十八地震應在鄧氏

永初二年至五年郡國三十五震

永初六年豫章原山崩震

永初七年春郡國十八地震太后主災

元初元年春日南地坼郡國十五地震

元初二年河南地坼郡國十地震

元初三年至六年郡國九十地震

永寧元年郡國二十三地震

建光元年冬郡國三十五地震

延光元年春郡國四十七震秋十三震

延光二年京都郡國三十二震丹陽山崩

延光三年京都郡國三十三震閩中山崩

延光四年京都郡國十六地震越嶲山崩

凡安帝永初至延光十九年郡國京師三

百七十餘震災異頻仍蓋咸畹女謁闈寺

之盛未有過於安順之際者也

順帝永建三年春京師漢陽大震

陽嘉二年雒陽地坼京師震山陽君主災

陽嘉四年冬京師地震

永和二年至五年京師八地震梁冀主災

漢安二年秋至建康元年夏百八十日震

桓帝建和元年夏秋京師再震殺李固杜喬

建和三年秋京師震憲陵屋壞郡國地裂

和平元年秋梓潼山崩

元嘉元年二年冬春京師震王甫主災

永興二年東海胸山崩瑯琊盜起

永壽二年京師震河東地裂

延熹元年雲陽地裂三年漢中山崩

延熹四五年京師地震泰山博尤來山解

延熹八年京師震緱氏地裂王甫定災

永康元年雒陽土黨地裂

靈帝建寧四年春地震夏河東地大裂

熹平二年夏地震六年冬地震捕繫諸生

光和元年至三年京兆及酒泉地八十餘震

獻帝初平二年夏地震應關東諸侯王災

興平元年夏地震應在關東

後主炎興二年蜀地震黃皓主災

魏咸熙二年太行山崩乃亡

晉武帝泰始四年泰山崩五年地震

咸寧二年秋河南河東地震

咸寧四年夏陰平廣武游震兆在賈氏

太康五年宣廟地陷六年新興山崩

太康七年瀘山崩震仇池崖隕

太康八年殿前地陷震應在三楊
太康九年郡國歲十六震諸王應之

太康十年冬太熙元年春地震災當皇躬

惠帝元康元年冬京師震

元康四年郡國山崩地大震陷賈氏主災

元康五六年地震

太安元年西墉崩二年震當陽地裂諸王主

災

太安三年夷道山崩四年鄴山崩張方主災

懷帝永嘉元年雒陽地陷有蒼鵝

永嘉三年四年諸州地震

愍帝建興二年三年地震劉石主災

元帝大興元年二三年諸郡震崩王敦主災

大興四年嘗山崩滹沱溢段匹磾祖狄歿

成帝咸和二年春夏郡國震蘇峻主災

咸和四年廬山西北崖崩盜殺劉胤

穆帝永和元二三四五年地震應在失柄

永和九十年十一年地震政在桓氏主災

哀帝隆和興寧三年俱震

帝奕太和元年涼州地震水湧應在海西

孝武太元二年至十八年地生毛屢震羣小

主災

安帝隆安四年地震生毛

義熙三四五八十年地生毛震陷是將易姓

宋文帝元嘉十二年都下地震劬濬主災

孝武大明七年衮州大震是應玉燭殿

齊東昏永元元年秋冬震百八十日為亡徵

梁天監五年冬京師震是主饑

普通三年正月京師震義州刺史叛

大同三年七年建康地震生毛是主饑兵

太清三年建康地震臺城主災

陳永定二年建康地震應在玉琳

後魏武定二年西河地陷高氏為應

後齊河清二年并州地震應和士開

隋文帝開皇十四年夏京師震主中宮

開皇二十年十一月戊子立子廣天下大震

仁壽二年夏岐雍大震廢蜀王秀

仁壽三年梁州山崩漢諒主災十日

唐武德二年京師震殺劉文靜

武德七年雋州地震山摧突厥主災

太宗貞觀七年冬京師地震應在上皇

貞觀二十三年河東晉州大震當上躬

高宗永徽元二年晉州定襄淳震應在始封

儀鳳二年永淳元年垂拱三四年京師皆震

垂拱三年雍州湧山永昌中華州山晝徙

睿宗景雲三年并汾絳州震應在內禪

玄宗開元十七年藍田山摧應楊思勗

開元廿二年秦州大震應李林甫

開元廿六年京師地震不利立子

肅宗至德元載河西震裂是應安史

代宗大曆三三年京師地震魚朝恩主災

大曆六年藍田西原陷九年同州山徙

大曆十三年寧晉地裂應在元載京師晉

德宗建中元年三四年京師震李希烈主災

貞元二三四五年京師濟震地生毛應吐番

貞元八年十年濟震湖樹應在諸鎮

憲宗元和八年大隗山崩地震

元和十一年游震皇甫鏞主災

元和十五年春正月穆宗即位震中尉主災

文宗太和九年京師大震仇士良主災

開成四年京師震仇魚主災

宣宗大中二年河西大震有喪

懿宗咸通八年晉絳大震主兵

僖宗乾符三年雄州地陷水湧羣盜應之

光啓二年洊震三年維州山崩壅江水

後唐長興三年赤甲山崩秦王從業主災

宋雍熙三年階州山崩壅江水應契丹

宋真宗景德元年京師地洊震應在澶淵

景德四年益州地震有喪於士民主災

大中祥符二四年諸州地震應在中宮主災

仁宗景佑四年忻代并大震元昊主災

寶元元年慶曆三年并忻代震是應西夏

慶曆六年嘉祐五年京師地震應中宮主災

神宗熙寧元年秋冬郡國大震王韶主災

熙寧五年少華山崩雲山池

元豐八年京師震賓州地陷應皇躬

哲宗紹聖元二三四四年諸郡地震是應紹述

建中靖國元年冬太原震童蔡主災

宣和六年京師洊震熙河蘭州地陷

高宗建炎二年長安大震虜遂入

紹興三年六年江南大震劉豫玉災

孝宗隆興元年游震湯思退玉災

光宗紹熙四年劍門山崩童蒙玉災

寧宗慶元二年黃巖有山自徙清潭山移韓

氏侂胄玉災

嘉定九年東西川大震山崩

元成宗大德七年延安山移地震應在緬甸

大德八九十年晉平陽屢大震應在懷宣

仁宗延佑元年諸路地震

延佑三四五年諸路地震應在君身

泰定帝四年諸路地震應在君身

文宗天曆二年諸路地震應在漠北

順帝元統二年京師震山陷為池

至元元年至五年諸路皆震

至正元年至十二年諸路游震

至正十三年至廿八年諸路皆震元祚乃訖

六府言穀五行言土土非穀也雖云稼穡言其作稼穡者不指稼穡如山川疇列不即云畝澮也土自應地饑自應歲故以百穀用成對庶草蕃廡言之如土行失序自當以山崩川竭大地震動為至蓋土比四行其用至大故上天見災譴告至密猶之思睿無所不該不得移省歲之文於作甘之內也以土百八十餘條惟宋自景德而

上至少惟漢自永元而下至多坤儀不靖非雖建武亦有崩搖前座將傾在太康屢先著兆五代之餘天告已衰至正之間地維遂絕觀其震數反於睿思亦可以作聖也

八政章第五


一曰食二曰貨三曰祀四曰司空五曰司徒六曰司寇七曰賓八曰師
八政之行不依疇列其以八官寄於四方王

立于中則猶之疇序也但其數目不用爲次耳古人制象彼此相兼不定一方要以河圖爲體雜書爲用體不過一易用有三易五易九易者如八政與皇極合爲九疇先行南北一食在北二貨在南三宗伯從左四司空從右司寇據七司貨於南方司徒據六司食於北方賓以震出據八而從宗伯師以順動據九而從司空此其始易者也又因而遞更其位則一食居三立於左內二貨居四立於右內三祀居二立於南內四司空居一立於北內五司徒居八立於外東六司寇居九立於外西七賓居七立於南外八師居六立於北外此其再易也五行爲易之佐八政爲易之官陰陽相協皆在八政爲圖如左

凡八政官位皆以五前爲內方五後爲外方刑德剛柔可以義取師與司寇不處左方賓


與司徒不立右際食祀之位親於司徒工貨
 之官隣於司寇亦情分之當然人天所共叶
 及其用之乃有一八二七三六四五對待之
 文各見下章也五言然易之出入遊息之
 代西法實器少立於南於人神器六立於北
 內正同動器八立於東六向宗器立於
 內三派器立於南內四同器立於北
 益限於食器臣立於內二食器四立於外

右八政分配之位



唐虞官百夏殷再倍
 司相協乃約五命度

其兼職可以義推



右八政互易之位


八政互通而晨用乃備食一為北政實本地
 德始平水土稼穡乃成徒眾乃興徂征之命
 是也天子南面賓祀在前五玉三帛夾以虎
 旅暨覲羣后無有不服寅清之命是也東作
 敷教亦治邦政田賦出焉三八之間爰通賓
 食稷契共事以輔文思在寬之命是也寇賊
 奸宄厥厲在貨禹及臯陶共理夷夏萬物歸
 命為刑為德明允之命是也王中無為省視

八官內體五事微察五行明察五紀稟此十
五以成福治五者爲福六者爲殛十一之行
過猶不及因而推之北方坤坎有食與師統
於司空是爲地官而兼司空司馬南方乾離
有貨賓祀而統宗伯是以宗伯而兼司徒司
寇東方離震有賓與食而統司徒是以司徒
而兼宗伯司空西方坎兌有貨與師而統司
寇是以司徒而兼司空司馬故謂唐虞世有
專官官不相兼者亦偏結未融矣其九列命
官配于八卦以先後天分序別圖如左

右先天序卦政官之位



乾師



坤食



兌司空

離祀

震賓

序卦本於河圖其體屢遷而四方八位理有


一定疇象相參約歸二者不可易也



坤貨

兌司寇

乾司徒



離師

坎食

巽司空

震祀

艮賓

右後天序卦政官之位

凡易在範前疇序皆出於易雖云後天出於
文王而帝出乎震齊乎巽相見乎離役乎坤
悅乎兌戰乎乾勞乎坎成乎艮決非自文王
時始有此說也先天圖至宋始出而位置如
在易前要其顯晦有時而源瀾遠矣洪範八
政雖自爲疇列而從圓圖以變方圖合先後
天初無乖異圓圖以相代爲義每方各備四
官方圖以相交爲義每官各備兩卦每卦亦
備兩官如民食於土故坤一爲食食重於賓
故震八爲賓賓貴從祀故離三爲祀祀歸司
空故兌四爲司空此先天之左旋從坤趨乾
者也師動大衆故乾九爲師師必居貨故巽
二爲貨貨必有寇故坎七爲司寇寇歸司徒
故艮六爲司徒此先天之左旋從乾趨坤者
也其官方分拆雖不依位而五行陰陽命官
之意本于圓圖不少爽也又如後天乾統六

師以處西北坎爲司空以一次之司徒治地亦爲司空以八次之震司東作亦爲司徒以三次之巽治貨賦亦爲司徒以四次之離居乾位是爲司寇以九次之司寇與司空對治坤居西南是爲秩宗以二次之秩宗與司徒對治兌掌賓政亦爲秩宗以七次之賓政與食政對治是後天八政亦本圓圖大要以西方之政通於北陸北陸之政通於東方東方之政通于南陸南陸之政通于西方其南北東西不相易也故一六二七水火不相射三八四九金木不相代云

臣攷周易與洪範表裏而周官一書皆出於九疇雖云六官三百六十屬而以八政齊之各復得八則通爲六十四官三百八十四屬矣八政雖無天官司馬宗伯之目而食貨隸於天官賓祀載於宗伯六師統於司馬職有

繁簡則政可相資總以分代天正陰陽相協
故復舉八政兩序與卦象分配焉而分貨

八政疇序 先天

圓圖

一坤食二巽貨三離祀四兌司空八疇齊之
六良司徒七坎司寇八震賓九乾師皆出於

一食政 土行

坤序

食之食坤以厚德載物其于政也以祖識地
德其于物也為反生為正供其於官也為后

稷農師為饁庖人

食之貨升以積德高大其於政也為日中市
尚穀帛其於物也為耒耜釜布範甗其於官
也為甸師獸獻鱉人

食之祀明夷以用晦蒞眾其於政也為農社
報賽其於物也為脯腊修鱸昔酒其於官也
為酒正充人亨人饌人

食之司空臨以教思容保其於政也以省試

稱事其於物也為班米形鹽其於官也為醢

人漿人凌人言人黜人

食之司徒謙以哀益平施其於政也為頒祿

施歛其於物也為簠簋斗斛其於官也為稍

人委人倉士廩大夫

食之司寇師以容民畜衆其於政也以謹蓋

藏厲濫禁其於物也為藥石疢毒其於官也

為食醫疾醫瘍醫

食之賓復以閉關養陽其於政也以享老字

幼其於物也為觴豆几杖戶牖其於官也為

司尊彝几筵幕人

食之師泰以財成輔相其於政也為養壯俊

禮俊民其於物也為籍田為采為廩餼其於

官也為內外饗為鬱人鬯人玉府

二貨政

木行
異序

貨之貨異以申命行事其於政也以利民阜

財其於物也為矯揉簡籥輪梓其於官也為

大府內外府

貨之祀家人以有物有恒其於政也以贊佑

神明其於物也為嶧桐泗磬菁茅賦翟其於

官也為典路為都宗家人於如也為養其於

貨之司空中孚以議獄緩死其於政也以禮

郵賑助其於物也為磬錯璆鐵鉛松栝石其

於官也為追師非人屨人掌炭也以其字

貨之司徒漸居賢善俗其於政也以登良散

楛其於物也為漆絲織縞織皮其於官也為

司會職歲

貨之司寇渙以享帝立廟其於政也以散小

貯禁賄賂其於物也為包為筐其於官也為

關梁司門

貨之賓益以遷善改過其於政也以遠玩賤

異厚往薄來其於物也為盤鑑劍屨生死費

其於官也為掌節典庸器屨人鞮屨氏
 貨之師小畜以懿文德其於政也以平物價
 治軍市其於物也為金錯園刀羽毛齒革其
 於官也為質人廛人角人旄人韎師
 貨之食觀以省民設教其於政也以引菲示
 儉其於物也為絺綌紵帛其於官也為場人
 圉人稻人

三祀政

火行
離序

祀之祀離繼炤四方其於政也以明禋禋格
 其於物也為陶匏繭栗其於官也為宗伯肆
 師大小司樂

祀之司空睽以同而異其於政也以瘞幣掩
 齒其於物也為俎柳厥具明器其於官也為
 喪祝甸祝冢人墓大夫
 祀之司徒旅以慎不留獄其於政也以禮由
 川墳衍原澤其於物也鼗鼓琴瑟羽籥其於

官也為籥師典同宮人掌次樂器其於
 祀之司寇未濟以辨物居方其於政也以戢
 止淫厲其於物也為斝丹畫干戚其於官也
 為占夢眡稜馮相氏其於政也為
 祀之賓噬嗑以明罰勅法其於政也以敬慎
 蠲日諏士其於物也為龜箬匏箠其於官也
 為大小史司裘司禘其於政也為宗伯
 祀之師大有以遏惡揚善其於政也以類禡
 祖社其於物也為樊纓旒旝旒其於官也
 為典瑞大卜大祝庭氏射鳥服采氏
 祀之食晉以自昭明德其於政也以餼飫逮
 下其於物也為犧牲養盛其於官也為宮伯
 內宰籩人冢人其於政也為
 祀之貨鼎以正位凝命其於政也以貞媿起
 度除慝其於物也為球圖刀訓圭瓚鼐其
 於官也為巾車典祀內外宗

四司空政

金行
允序

司空之司空允以麗澤講習其於政也以詖
四民典利去害其於物也為度量權衡繩準
其於官也為山虞林麓川澤人

司空之司徒咸以虛受人其於政也以胥原
芟曠土其於物也為鑄函盧弓車其於官也
為土均土訓旅師

司空之司寇困以命遂志其於政也以治邊

境去盜去覲其於物也為蕃薄渠答虎落其

於官也為掌固掌險掌疆

司空之賓隨以嚮晦入息其於政也以簡庶

務理廢墜其於物也為舟梁隄防其於官也

為懷方合方野廬氏

司空之師夾以施祿及下其於政也以度田

徹糧正車賦其於物也為畝澮隍墉牛馬駒

犢其於官也為職方載師圉師邊師遂大夫

司空之食萃以庀戒不虞其於政也以宅流
 宥訓討無藝其於物也為邊市租菑蒲舟鮫
 其於官也為柞氏薙氏庶氏穴氏以熟田
 司空之貨大過獨立不懼其於政也以治材
 木施棺槨其於物也為築治搏埴鞞裘其於
 官也為川人澤人封人息其於物也
 司空之祀革以治曆明時其於政也以表方
 正位相民居其於物也為璿璣玉衡其於官

也為雞人保章氏

五司徒政

土行
良序

司徒之司徒良以思不出位其於政也以安
 民不遷敷教成治其於物也為城郭壇壝象
 魏其於官也為黨正州長卿大夫以文
 司徒之司寇蒙以果行育德其於政也以去
 殺勝殘其於物也為鼓為舞為觥朴為桎梏
 其於官也為司諫司救以文

司徒之賓願以慎節養正其於政也以明賞
 信罰褒有行其於物也為法簡賢書其於官
 也為師氏保氏司服司祿司祿其於志
 司徒之師大畜以多識言行其於政也以文
 德致民彙士其於物也為金玉象鉤為旗為
 鐸其於官也為內外史為行司馬為匡人人

司徒之食剝厚下安宅其於政也以薄斂蠲
 逋其於物也為公田公桑耕籍其於官也為
 典命掌葛掌染典婦功士其於志
 司徒之貨蠱以振民育德其於政也以歲時
 勞士出陳納新其於物也為泉布疏績其於
 官也為閭師司市

司徒之祀責以明庶政無敢拆獄其於政也
 不廢誥誓其於物也為井竈戶行門雷其於
 官也為司盟司約司約其於志

司徒之司空損懲忿室愆其於政也以明正
疆界其於物也為表署道路梓日鍛厲其於
官也為問師比長鄮長形方氏燎其於政也

六司寇政 水行 坎序

司寇之司寇坎以德行教事其於政也以布
憲讀法禁非刑亂其於物也為五書五戒五
極其於官也為卿為鄉士遂士朝士士師

司寇之賓屯以經綸其於政也以詢眾致謀
其於物也為墻垣鉶豆牢養其於官也為伊
耆氏為掌環人挈壺氏

司寇之師需飲食待時其於政也以先治內
後治外其於物也為矛戟斧鑕其於官也為
司隸掌察條徧氏修閭氏

司寇之食比以建萬國親諸侯其於政也以
除蠱服猛不饒辜人其於物也為冥羅壺涿
其於官也為翦菱諸奄獸醫

司寇之貨井以勞民勸相其於政也以弛責

焚券其於物也為鏹金矢其於官也為職金

司厲之食其以喪齊國賂諸侯其於政也

司寇之祀既濟以思患豫防其於政也以用

讎致靖息老物其於物也為沈狸鬮辜其於

官也為司烜司燿司寤氏公如也對夫也

司寇之司空節以議數度制德行其於政也

以鍵閉慎固察創視圻其於物也為釁浴兆

域其於官也為司圜為雍人萍氏

司寇之司徒蹇反身修德其於政也以執簡

正禮其於物也為嘉石肺石其於官也為司

刺調人詛人

七賓政 木行 震序

賓之賓震以恐懼修省其於政也以典滅繼

絕有慶有刑其於物也為宗彝丹圖其於官

也為大小行人行夫

賓之師大壯以非禮不履其於政也以大饗

射選士澤宮其於物也為虎熊豹豸正鵠其

於官也為司勳司士諸子於地也為

賓之食豫以崇德殷薦其於政也為臨雍乞

言餽餉其於物也為四齊八珍其於官也為

五更三老

賓之貨恒以存物有恒其於政也以敷奏明

庶命車服其於物也為圭馬璋皮璧帛琮錦

琥繡璜黼其於官也為司儀掌賄

賓之祀豐以折獄致刑其於政也以聽質平

外國其於物也為膳服珥釧其於官也為都

宗家人甸祝神土

賓之司空歸妹永終知儆其於政也為協出

入止道敷其於物也為廛舍郵次其於官也

為象胥土方氏

賓之司徒小過以致恭致哀致儉其於政也

共... 卷... 頁...

無忘舊章其於物也為折俎散烝其於官也為掌客都則都士

賓之司寇解以赦過宥罪其於政也以柔遠

無以暴令其於物也為橐為符節其於官也

為御史為掌交掌訝

八師政

全行 乾序

師之師乾以自強不息其於政也以止戈克詰爰有七德其於物也為剛馬戎路其於官

也為大御太僕大小司馬

師之食否以儉德辟難其於政也以厄糧糗

不貪遠功其於物也為米粟秭服銍總其於

官也為載師縣師遂大夫

師之貨姬以施誥四方其於政也以軍爵賚

武衛其於物也為鹽鐵錯雜其於官也為馬

質司兵掌賄

師之祀同人以類族辨物其於政也為蒐苗

獮狩別井里物采其於物也為饁獸表貉榮
鄮其於官也為祭僕田僕圉師巫馬

師之司空履以辨分定志其於政也以保疆
靖民治溝洫阨塞其於物也為虎皮魚服其
於官也為道僕牧師庾人繕人藁人

師之司徒遜以嚴遠小人其於政也不以介
冑溷文治其於物也為介冑犀兕其於官也
為犬人隸僕犬寺人

師之司寇訟以作事謀始其於政也以靖姦
宄威蠻夷其於物也為彤弓彤矢盧弓盧矢
其於官也為虎賁旅賁司右趣馬

師之賓无妄以茂對時育其於政也以顯忠
遂良尊賢禮士其於物也為秬鬯鍾皐其於
官也為準夫牧伯大都阪尹吉士

右八政一篇 依圓圖為序

八政一章既無敷言又從無繫屬蘇洵以五

紀八政皆不可牽合是也然自古無位次汨

陳之書亦無離圖書自為倫序之物今如先

天一坤九乾二巽八震三離七坎四兌六艮

皆以五十相合分而行之則坤行從右有巽

離兌之三陰以為食貨祀司空乾行從左有

震坎艮之三陽以為師賓司徒其以父

母均分六子一也其所不得不易者乾兌離

震陽畫右旋巽坎艮坤陰畫左轉不得不依

兩畫為序故以一九二八三三七四六分為食

師賓祀寇空徒則坤乾巽震離兌具八

卦分政燦然明矣易曰天地定位山澤通氣

雷風相薄水火不相射又曰雷以動之風以

散之雨以潤之日以燠之艮以止之兌以悅

之乾以君之坤以藏之皆以一九六四八二

七三相涵為序也故範疇之數金水木火皆

以首尾相應內嚮為序猶九六七八之合為

十五也初學矯強意為安排如食貨賓師之類皆以對待起卦以乾坤坎離為例不知其初出圓圖本於自然有倫有脊無復繁簡出入之殊若以意為之則谿竇百出去古滋遠矣今再以後夫八政屬綴如左

性文又政疇序

後天方圖

曰天

一坎食二坤貨三震祀四巽司空

六乾司徒七苑司空八艮賓九離師

一食政

坎序坎亦為司空

坎亦為司空

食之食坎以嘗德行習教事

食之貨師以容民畜衆

食之祀解以赦罪宥過

食之司空澳以享帝立廟

食之司徒訟以律事謀始

食之司寇困以致命遂志

食之賓蒙以果行育德

食之師未濟以慎辨物居方

二貨政 坤序 坤亦為祀

貨之食比以建萬國親諸侯

貨之貨坤以厚德載物

貨之祀豫以崇德殷薦

貨之司空觀以省民設教

貨之司徒孤以儉德不榮

貨之司寇萃以尼戒不虞

貨之賓剝以厚下安宅

貨之師晉以自昭明德

三祀政 震序 震亦為食

祀之食屯以經綸

祀之貨復以閉關

祀之祀震以恐懼修省

祀之司空益以遷善改過

祀之司徒无妄以茂對時育萬物

祀之司寇隨以嚮晦宴息

祀之賓頤以慎節養正

祀之師噬嗑以明罰勅法

四司空政

異序
異亦為貨

司空之食井以勞民勸相

司空之貨升以順積德

司空之祀恒以立不易方

司空之司空異以申命行事

司空之司徒姤以施命告四方

司空之司寇大過以獨立不懼

司空之賓蠱以振民育德

司空之師鼎以正位凝命

五司徒政

乾序
乾亦為師

司徒之食需以宴樂待時

司徒之貨泰以財成輔相

司徒之祀大壯以非禮不履

司徒之司空小畜以懿文德

司徒之司徒乾以自強不息

司徒之司寇夫以施祿敷德

司徒之賓大畜以多識畜德

司徒之師大有以遏惡揚善

六司寇政

允序
允亦為賓

司寇之食節以制德行議數度

司寇之貨臨以容保教思四

司寇之祀歸妹以永終知敝

司寇之司空中孚以議獄緩死

司寇之司徒履以非禮不履

司寇之司寇兌以麗澤講習

司寇之賓損以懲忿窒慾

司寇之師睽以同而異善

七賓政

艮序
艮亦為司寇
恭嚴更風劍

賓之食蹇以反身修德

賓之貨謙以稱物平施

賓之祀小過以過恭過哀過儉

賓之司空漸以居賢德善俗

賓之司徒遜以嚴遠小人

賓之司寇咸以虛受人

賓之賓良以思不出位

賓之師旅以明慎不留獄

八師跋

雜序 雜亦為可寇 永錄跋端

師之食既濟以思患豫防

師之貨明夷以用晦莅衆

師之祀豐以折獄致刑

師之司空家人以言有物行有恒

師之司徒同人以類族辨物

師之司寇革以治曆明時

師之賓賁以明庶政無敢折獄

師之師離以繼明昭四方

右八政分序 凡二篇各六十四其別各四千九十六

臣攷八政與周易周官同用而異體所以然者以其同出於圖書以式序五行相協民居一也民居之於五行猶醯醬之於飲食日用不離先王之於八政亦猶是也八政分屬皆從後天然以乾坤坎離定位分從則亦皆先天也有是八政以求五行然後五紀有所麗四克有所用休咎貞悔有所徵天地之為著

黃龜帝王之為著龜與著龜所自為天地帝王

者一也以是八政參於七清而人神始協因而察於五事驗於庶徵稽於五紀正以三德而上天陰陽之道條貫備矣此下未有敷詞蓋以是為綱自相經緯其文義浩重不可單舉要本於皇極以務民敬事則是八政者亦合為九疇而虛其一耳八政分屬與上卷明義不同彼槩五行此隸八卦非有矛盾也

用平康

日月歲時既易百穀用不成又用昏不明俊民用微家用不寧

庶民惟星星有好風星有好雨日月之行則有

冬有夏月之從星則以風雨

此節疑在師尹惟日之下

臣攷前章所隲五行五事八政皆從河圖而出雖略舉體用以性情事物立天人之總猶未明言其疇象分微之數卽云以九命數以


五命理亦大槩綱領得其欵項耳必使天人交動各有條貫觀日知歲觀辰知月觀一世知百世則五紀者天地之版籍也堯典首舉閏朞春秋始正日月攷其細微莫過疇象疇象以九起數以六積之爲五十三萬一千四百四十一爲一百二十年之曆外贏五千四百八十一又六乘七百二十九之數每歲縮九則一百二十歲當縮一千八十合贏縮之

數外距天行每百二十歲共餘六千五百六十一以四乘之凡四百八十歲而餘六歲之曆又贏五十四辰歸於斗分故以四百八十六爲限以四百八十五爲實者是疇之所以命歲也以四百八十五爲歲五千八百二十爲月又一百七十九爲閏是疇之所以命月也以五千九百九十九爲月則以十七萬七千一百四十六爲日以三乘之爲一百二十

歲之疇五十三萬一千四百四十一以十二乘之爲二百一十二萬五千七百六十四辰也凡天地之數成於九極於六參於三要之以四則歸一矣故六九之積爲一百二十一歲之星參其六積爲四百八十六歲之日是律度權衡之所繇總也然皆不煩摩揣但以九起六積而得之一再屈指而具百二十一歲之曆此範疇之至微要也古今算曆者皆

五頁
不論辰但以日開分以分開秒於四分曆中
減溜上下自謂精矣而施之非久輒不復驗
卽如三統大衍皆原本河圖約略爻象其精
者不過於揲著九六冒其成數耳今以疇起
曆以曆分辰以辰分星以星約日以日會月
以月成歲語歲則有四百八十五歲語月則
有五十九百九十九月語日則有十七萬一
百四十六日語辰則有二百一十二萬五千
七百六十四辰語曆數則是五千八百二十
歲之曆去其差數舉其實數凡十二元範實
五千七百六十因而重之二十四周萬有一
千五百二十之星也要其始終皆出圖書故
復具圖如左

五紀略例



凡雜書一九三七二八四六之文談者雖習

而數多不盡以五行五事論之亦曰一水二

火三木四金五土一貌二言三視四聽五思

天生地成以六成水以七成火以八成木以

九成金以十歸五猶此四十五之文耳必以

五紀論之則九疇相經各八十一此一紀也

九經八十一為七百二十九此二紀也九經

七百二十九為六千五百六十一此三紀也

九經六千五百六十一為五萬九千四十九

洪範明義 卷之二

此四紀也九經五萬九千四十九爲五十三
萬一千四百四十一此五紀也以是五紀分
歲月日辰而統於曆數故五屈指而具百二
十一歲四分一之歷以四合之爲四百八十
五歲以範計之則二十四周得萬有一千五
百二十部長百二十歲是五紀之所繇作也
五紀所歷不過九疇九疇三乘各八十一生
成之數各領其部一部主象各有重數如一
一一二二二二之類每部重數二十五參數五
十六合爲八十一得其重數則知其主部凡
九部七百二十九以七百二十九自相乘卽
百二十一歲強之歷因分部爲圖如左

二部六千五百六十一
乘部五萬九千四十九

七部六千五百六十一
乘部五萬九千四十九

六部六千五百六十一
乘部五萬九千四十九

九部六千五百六十一
乘部五萬九千四十九

五部六千五百六十一
乘部五萬九千四十九

一部六千五百六十一
乘部五萬九千四十九

八部六千五百六十一
乘部五萬九千四十九

三部六千五百六十一
乘部五萬九千四十九

四部六千五百六十一
乘部五萬九千四十九

北方一部一一一次一一二至一一九凡九

象皆為乾兌之卦重象者九為水行盛始第

二疇一二一一二二至一二九凡九象二重

皆為離震之卦第三疇一三一

三九凡九象二重亦皆乾兌之卦第四疇一

四一一四二至一四九亦九象二重為離震

之卦第五疇一五一一五二至一五九凡九

象二重亦皆乾兌之卦自是而下第六疇一

六一至一六九凡九象二重亦離震之卦第

七疇一七一至一七九凡九象二重亦乾兌
之卦第八疇一八一至一八九凡九象二重
亦離震之卦第九疇一九一至一九九凡九
象二重亦皆乾兌也故北方首部九疇八十
一象皆爲乾兌離震之卦
西南二部二一一至二二二凡九
象二重皆爲巽坎之卦次疇二二二至二二二
至二二九重象者九皆爲艮坤之卦故西南
九疇八十一象皆爲巽坎艮坤之卦

正東三部三一一至三三三凡九
象二重皆爲乾兌之卦次疇離震三疇三一
三至三三三至三九九三重象者九亦乾兌也
故東方九疇八十一象皆爲乾兌離震之卦
東南四部四一一至四九九凡九
象二重皆爲巽坎之卦暨第四疇四四一至
四四四至四九九重象者九皆爲艮坤故東

南九疇八十一象皆爲巽坎艮坤之卦

中央五部五一一一次五一二至五一九凡九
象二重皆爲乾兌之卦次疇五二一至五二
九皆爲離震第五疇五五一至五五五至五
五九重象者九皆爲乾兌故中央九疇亦乾
兌離震也五分戊巳或交於前或交於後一
變而一不變則乾兌通於巽坎離震變爲艮
坤故中央九疇八十一象得通八卦遍乘九
部得五萬九千四十九卦凡疇每部各五萬
九千四十九卦

西北六部六一一次六一二至六一九凡九
象二重皆爲巽坎卦第六疇六六一至六六
六至六六九重象者九皆爲艮坤故西北九
疇八十一象皆爲巽坎艮坤之卦

正西七部七一一一次七一二至七一九凡九
象二重皆乾兌卦次疇離震第七疇七七一

至七七七七至七七七九重象者九皆乾兌也故
正西九疇八十一象皆乾兌離震之卦

東北八部八一次八一二至八一九凡九
象二重皆巽坎卦第八疇八八一至八八八
至八八九重象者九皆艮坤也故東北九疇
八十一象皆爲巽坎艮坤之卦

正南九部九一次九一二至九一九凡九
象二重九皆乾兌卦乾兌與離震間行第九

疇九一九九二九至九九九九重卦者九又皆
乾兌也故東南九疇八十一象皆爲乾兌離
震之卦

凡疇九部每部八十一象得七百二十九象
爲命曆之本每部各以八十一乘七百二十
九得五萬九千四十九爲十三年半又餘一
百二十一辰五分以九乘之爲五十三萬一
千四百四十一得一百二十一年半餘一千

九百三十辰五分以四收之爲四百八十五
年之曆內少九辰所以內少九辰者凡春秋
命曆以疇範爲本疇範命九春秋命六六其
七百二十九爲四千三百七十四比一歲之
歷嘗欠九辰積一百二十二年而絀一千九
十八辰以四積之而絀四千三百九十二辰
一爲四百八十七年絀四千三百八十三辰之
實春秋所用二百四十三年卻退半載以就
獲麟之會故合之爲四百八十五載而得兩
疇範之實也千古疇範之學託於仲尼觀於
繫卦春秋得其蘊矣自春秋而上曆數莫攷
但以春秋證之文獻有徵聊附春秋曆數及
圖書所推五行曆數於後焉

曆數統紀

上元甲子四百八十五年

二百一十三萬五千七百五十五辰

二元巳巳九百七十年

四百二十七萬一千五百一十辰

三元甲戌一千四百五十五年

六百四十萬七千二百六十五辰

四元巳卯一千九百四十年

八百五十四萬三千二十辰

五元甲申二千四百二十五年

一千六十七萬八千七百二十五辰

六元巳丑二千九百一十年

一千二百八十一萬四千五百三十辰

七元甲午三千三百九十五年

一千四百九十五萬二百六十五辰

八元巳亥三千八百八十年

一千七百八萬六千一百六十辰

九元甲辰四千二百六十五年

一千九百二十二萬一千七百九十五辰

十元巳酉四千八百五十年

二千一百三十五萬七千五百五十年辰

十一元甲寅五千三百三十五年

二千三百四十九萬三千三百五十年辰

十二元巳未五千八百二十年

二千五百六十二萬九千六十年辰

右自太古上元羲農之前至魯隱公元年巳

未八十一元自隱公元年以前凡五千三百

三十五年至秦主政九年又得四百八十五

年歲在癸亥彗星出長竟天明年甲子秦王

政十年又起中元此端門之次符也又四百

八十五年魏嘉平元年加司馬懿九錫之歲

歲在巳巳爲中元之一會又四百八十五年

開元二十二年春秦州大震冬十二月戊子

朔食歲在甲戌爲中元之二會又四百八十

五年宋寧宗嘉定十二年爲元太宗真十四

年歲在巳卯其年金人破武關分犯諸州爲
中元之三會以後一百四十五年而聖人始
出此自春秋而後終於元季二千八十九年
除秦政以前四百八十五年爲端門之末會
以後金木水火相次爲治復歸於土與周比
隆雖損益間殊而疇象不變苟求其故千歲
可知也

三河圖歷數略

自東周至元末二千一百三十八年

土稼稽歷

體數五百五十餘二百七十五在前際合
損一百一十今存之以河圖領雜書爲前

贏曆

周平王元年辛未至惠王十六年庚申凡一
百一十年中更桓莊釐惠五王爲稼稽初

周際

周惠王十七年辛酉至靈王二十年庚戌中

周更惠襄頃匡定簡去王爲稼穡二際
周靈王二十一年辛亥至定王廿八年庚子
中更靈景敬元定五王爲稼穡三際
周考王元年辛丑至顯王三十八年庚寅申
更考威安烈顯五王爲稼穡四際

周顯王三十九年辛卯至秦始皇元年庚辰
凡一百一十年中更周顯慎赧秦昭文莊
襄二姓七王始命皇帝爲稼穡五際

凡稼穡之數以十命十下得一十以十命九
下得二十以十命八下得三十以十命七下
得四十以十命六下得五十往反疇列得五
百五十爲稼穡之成數又其前段以五命十
下得一五至以六命五下得二十五往反疇
列得二百七十五凡稼穡生成八百二十五
參而兩之爲周室命曆前後兩際稼穡前際
是通水火媿於夏殷稼穡後際是通金木媿

於漢晉凡五行之序西金東木北水南火經
於中土二百七十五又復兩之五百五十而
西金東木北水南火互相起也凡河圖體數
三千二十五以五百五十爲成二百七十五
爲生參兩生成八百二十五自中極而下合
得八百二十五其五十之中九六七八兩兩
相合亦得八百二十五故以五百五十爲本
而參其八百二十五則得三千二十五是河

圖之體數也曆數皆用雜書而河圖立體天
地所命始故周曆前段二百七十五不除五
十後段五百五十不除一百爲周曆八百二
十五之實施於五行末際皆去十存九只得
六百七十五以三乘之爲二千二十五與五
德循環入於曆始復加百五十配於卦象中
分天地焉其五行參兩去十之法繫於章下

金從革歷

體數四百九十五合損九十存四百有五

以下皆依雜書除十起例三際各百三十

五

秦始皇帝元年辛巳至漢昭帝始元元年乙

未凡一百三十五年中更秦皇二世高惠

十文景武二姓六王為從革初際

漢昭帝始元二年丙申至光武建武二十六

年庚戌凡一百三十五年中更昭宣元成

哀平莽光武兩姓八主為從革中際

漢世祖建武二十七年辛亥至靈帝中平二

年乙丑凡一百三十五年中更明章和殤

安順冲質桓靈九主為從革末際

自周曆稼穡本於河圖合十存體至始皇而

下五行相次皆準雜書以九為用焉

凡從革之數以九命十下得一九以九命九

下得二九以九命八下得三九以九命七下

得四九以九命六下得五九往反疇列得四
百九十五為從革之體數以雜書之用去十
為體合去九十只餘四百有五參而兩之中
於成帝鴻嘉四年甲辰孝景闕災廢許皇后
之歲也明年王莽始為新都侯故從革之曆
起於秦并六國卒於三國分漢中於王氏革
命皆革也其味作辛以干戈武力仗義取天
下

木曲直歷

體數四百四十合損八十存三百六十三
際各一百二十

漢靈帝中平三年丙寅至晉惠帝永興二年

乙丑凡一百二十年中更獻帝昭烈後主

魏吳晉三姓為曲直初際

晉惠帝光熙元年丙寅至宋文帝元嘉二年

乙丑凡一百二十年中更懷愍元明廢

穆哀奕簡武安廢晉十三主及宋祖少帝
二姓十五主爲曲直中際文帝廢二主
宋文帝元嘉三年丙寅至梁武帝大同十一
年乙丑凡一百二十年中更宋武文孝武
明廢及齊太武昭業明昏和梁武三姓十
二主爲曲直末際

凡曲直之數以八命十下得十以八命九
下得二八以八命八下得三八以八命七下
得四八以八命六下得五八在及疇列得四
百四十爲曲直之體數以雜書之用去十爲
體合去八十只餘三百六十參而兩之中於
海西公之太和元年前年穆帝崩是年慕容
恪陷秦洛陽其先五十四年石勒陷洛陽後
五十四年劉裕弒零陵王曲直之初漢靈以
天子躬爲市販曲直之終梁武以黃屋捨於
僧奴皆棄其準繩引於苞蘖作酸之味以蠅

管狗苟隕其身

火炎上歷

體數三百八十五合損七十存三百一十

五三際各一百有五

梁武帝大同十二年丙寅至唐高宗永徽元

年庚戌凡一百五年中更梁武簡文元晉

安陳高禕伯宗頊叔寶隋文煬唐高祖太

宗四姓十四主爲炎上初際

唐高宗永徽二年辛亥至唐玄宗天寶十四

載乙未凡一百五年中更高宗中宗武后

睿宗四主爲炎上中際

唐肅宗至德元載丙申至唐懿宗咸通元年

庚辰凡一百五年中更肅代德順憲穆敬

文武宣十主爲炎上末際

凡炎上之數以七命十下得一七以七命九

下得二七以七命八下得三七以七命七下

得四七以七命六下得五七往反疇列得三百八十五以雜書之用去十爲體合去七十只餘三百一十五參而兩之中於睿宗景龍之元年上五十二年皆武氏亂之唐室因以改命下五十二年皆安祿山亂之玄宗以奔蜀炎上之前七十二年華夷間雜炎上之後七十二年藩鎮怙終炎上者留餘曲直者多枝此其大較也

永潤下歷

體數三百三十合損六十存二百七十三際各九十

唐懿宗咸通二年辛巳至漢少主乾佑三年庚戌凡九十年中更唐懿僖昭廢帝梁晃友貞及唐晉漢五姓十二主爲潤下初際周主威廣順元年辛亥至宋仁宗康定元年庚辰凡九十年中更周二主宋太祖太宗

真仁兩姓大主為潤下中際

宋仁宗慶曆元年辛巳至宋高宗建炎四年
凡九十年中更仁英神哲徽欽六主為潤
下末際

凡潤下之數以六命十下得一六以六命九
下得二六以六命八下得三六以六命七下
得四六以六命六下得五六往反疇列得三
百三十為潤下之體數以雜書之用去十為

體合去六十只餘二百七十參而兩之中於
宋太宗至道之元年兩分之際前有九十九
年之代謝僅開三十六載之昇平後有九十
九載之昇平遂開三十六年之禍敗傾流既
倒不可復支蓋亦潤下之數然也自建炎而
後但號江南雖正朔尚存而曆數不與

土稼穡歷

體數二百七十五合損五十存二百二十

五三際各七十五

宋高宗紹興元年辛亥至寧宗開禧元年乙

丑七十五年中更金天會皇統天德貞元

正隆大定明昌承安泰和凡九改元為稼

稽初際

宋寧宗開禧二年丙寅至元至元十七年庚

辰七十五年中更金永濟大安崇寧真佑

四元及元濶台貴繇蒙哥忽必烈四主為

稼稽中際

元世祖至元十八年辛巳至順帝至正十五

年乙未七十五年中更世祖成宗武宗仁

宗英宗泰定帝明宗文宗寧宗九主為稼

稽末際

是亦稼稽也從河圖則存五十為二百七十

五從雒書則去五十為二百二十五去五十

則天中之曆止於龍飛乙未之初存五十則

龍飛之元通於燕京定鼎之際聖人之於天地交取之也然此為曆數下際既用二百二十五年則當以四百五十為正每除一百五十年自洪武乙未至弘治乙丑為一際又自弘治丙寅至崇禎丙申為一際周得河圖以王參霸後兩霸而前一王明得雜書以治正亂前一亂而後兩治參兩五十五天之所命以為曆數之綱維五行之終始非可意為損益也

以上河圖領雜書先用河圖五百五十起東周止於秦皇以下各用雜書本數得五行週歲一千五百七十五若以雜書領河圖則於五百五十申去一百一十為四百四十起春秋止於赧王三十二以下各用河圖本數得四行本數一千六百五十總自春秋至明始二千九十數得相通也攷其成法凡五行相涵金水八百二十五去百五十為六百七十

五火木八百二十五去百五十亦為六百七
十五去者為用不去者為體金水火木合體
一千六百五十加四百四十為二千九十金
水火木合用一千三百五十加七百七十五
為二千一百二十五所加七百七十五者兩
土之合去其五十故河圖雜書體用之數相
為終始也兩用相差餘三十五為聖人受命
終始之符凡五行出入各有變動九六七八

互移其居不能如卦象範疇與天地俱整故
曆數所存在於疇象而疇象參兩與五行相
稽必求其故則河圖命始者以金水木火發
於西方左行為序雜書命始者以金木水火
發於南方右行為序始於河圖者終於雜書
始於雜書者終於河圖體用十五前後相權
以成五紀不可易也今以雜書之領河圖始
於春秋終於明始者再著為序俾後得參攷

焉

雜書歷數略

自春秋元元至元末二千九十年

土稼穡歷

用數四百五十又二百二十五在前際合
加一百五十今去之以雜書領河圖為前

縮曆

周平王四十九年己未至周簡王十三年戊
子凡一百五十年中更平桓莊釐惠襄頃

匡定簡十王為稼穡初際十五與正十五

周簡王十四年己丑至周威烈王三年戊午

凡一百五十年中更襄頃匡定簡靈景敬

元定考十二王為稼穡中際十六與正十六

周威烈王四年己未至周赧王四十二年戊

子凡一百五十年中更威安烈顯慎赧六

王王為稼穡末際十七與正十七四與正四

此稼穡用數去十存五以五命九下得一五

以五命八下得三五以五命七下得三五以
五命六下得四五凡得五十者四又以五命
五爲二百二十五合爲四百五十四首五十
在前則二百二十五在後前後表裏相爲終
始周前三百二十四進一百二十六則在太
王之前退九十九則在穆王十七八上下所
不加減前段者謂春秋後際盡於赧王四十
二年當加四十五以生金四十五與五十五
損益十載得相通也故自赧王四十年巳丑
至章武三年昭烈崩於永安之歲爲四百九
十五益稼穡四十五而得從革之末候是謂
先用後體雜書之領河圖金水未火因以相
次焉

金從革歷

用數四百有五合益九十爲四百九十五
三際各一百六十五以下依河圖加十起

例 漢高祖元年六月壬午以不為四國城十

周赧王四十三年巳丑至漢武帝元封三年

癸酉一百六十五年甲更秦昭文襄始皇

漢高惠文景武兩姓九主為從革前際

漢武帝元封四年甲戌至漢明帝永平元年

戊午一百六十五年中更武帝昭宣元成

哀平莽光武兩姓九主為從革中際

漢明帝永平二年巳未至漢昭烈章武三年

癸卯一百六十五年中更明章和殤安順

冲質桓靈獻昭烈一姓十二主為從革末

際

體數起例具在前篇

中分三際二百四十七為漢成帝河平三年

乙未犍為山崩江水逆流冬十月乙卯朔食

之歲也參而伍之各九十九分為五際一漢

文帝六年丁卯一為孝昭元鳳六年丙午一

為世祖元年乙酉一為安帝延光三年甲子
以至昭烈崩於永安之歲故漢道之貴從革
漢運之繫昭烈曆數在天而方士繆應黃龍
之祥魏室偽奸卯金之位可謂汨陳五行失
其倫序者矣

水潤下歷

用數二百七十合益六十為三百三十每
際各一百一十年

漢後王建興二年甲辰至晉成帝咸和八年
癸巳一百一十年中更後主晉武帝惠懷
愍元明成兩姓八主為潤下初際

晉成帝咸和九年甲午至宋文帝元嘉二十
年癸未一百一十年中更晉成康穆哀奕
簡武安恭及宋高文兩姓十一主為潤下

中際

宋元嘉二十一年甲申至梁主繹二年癸酉

一百一十年中更宋文帝孝武子業明廢
齊高武昭業明昏和梁武帝簡文三姓十
三王為潤下後際

體數起例具在前篇

中分三際一百六十五為晉孝武太元十四
年巳丑呂光姚萇破符秦之歲也是時夷華
殺亂中原腥膻水行潤下北而趨胡南渡四
朝頽瀾莫反參而伍之各六十六一晉武帝

太康十年巳酉明年武帝崩一晉穆帝永和
十一年乙卯是年秦苻生始立一晉恭帝元
熙二年辛酉晉室巳終宋魏秦夏俱起一齊
永明四年丁卯魏作明堂辟雍於是道在元
魏至臺城之後侯景立豫章僧辨立湘東明
年宇文泰立齊王廓而下流愈頽河洛俱竭
矣故潤下之歷歸於朔方齊周隋唐緣此萌
藥也

一百一十年中更宋文帝孝武子業明廢
齊高武昭業明昏和梁武帝簡文三姓十
三主為潤下後際

體數起例具在前篇

中分三際一百六十五為晉孝武太元十四
年巳丑呂光姚萇破符秦之歲也是時夷華
殺亂中原腥膻水行潤下北而趨胡南渡四
朝頽瀾莫反參而伍之各六十六一晉武帝

太康十年巳酉明年武帝崩一晉穆帝永和
十一年乙卯是年秦苻生始立一晉恭帝元
熙二年辛酉晉室巳終宋魏秦夏俱起一齊
永明四年丁卯魏作明堂辟雍於是道在元
魏至臺城之後侯景立豫章僧辨立湘東明
年宇文泰立齊王廓而下流愈頽河洛俱竭
矣故潤下之歷歸於朔方齊周隋唐緣此萌
藥也

火炎上歷

用數三百一十五合益七十為三百八十五每際各一百二十八強
梁元帝繹二年甲戌至唐高宗開耀元年辛巳一百二十八年中更陳武帝文帝伯宗宣帝後主隋文煬唐高祖太宗高宗三姓九主為炎上初際
唐高宗永淳元年壬午至唐憲宗元和四年

巳丑一百二十八年中更高中睿玄宗代德順八主為炎上中際

唐憲宗元和五年庚寅至晉天福三年戊戌一百二十九年申更唐宣宗懿僖昭廢梁唐晉四姓十主為炎上末際
中分三際一百九十二半為唐玄宗天寶之四載立貴妃楊氏之歲也參而伍之各七十七歲一為貞觀四年庚寅俘頡利可汗之歲

一為景龍元年丁未太子重俊誅武三思之
 歲一為德宗興元元年甲子朱泚破長安上
 奔梁州之歲一為懿宗咸通二年辛巳杜悰
 平章之歲以至於石晉戊戌而契丹稱遼遼
 之為禍與宋終始五代之錯於火德猶焚燎
 之為首尾上有梁陳隋下有梁唐晉雖夷狄
 不競而寇攘奸回女謁宦侍可備炯戒者至
 炎上之歷皆備矣以河圖左旋之曆推之安
 為曲直而五行互起不循生序故復以炎上
 繼於潤下猶九六七入之相亞也

木曲直歷

用數三百六十合益八十為四百四十每
 際一百四十六強

晉王敬瑭天福四年巳亥至宋神宗元豐七
 年甲子一百四十六年中更晉漢周四姓
 七主及宋太祖太宗真仁英五主為曲直

初際

宋神宗元豐八年乙丑至宋理宗紹定五年
壬辰一百四十八年中更哲宗徽欽高孝
光寧理七主爲曲直中際

宋理宗紹定六年癸巳至

明洪武十年戊午一百四十六年中更宋理度

及元世祖成武仁泰定明文寧順帝二姓

十一主爲曲直未際

中分三際二百二十爲紹興二十三年癸酉

金貞元元年遷都于燕之二歲也參而伍之

各得八十八年一仁宗天聖四年丙寅京師

及諸軍大水十月癸酉朔日食一徽宗政和

四年甲午女直始敗遼于混同江一寧宗嘉

泰二年壬戌始弛僞學之禁一元至正廿七

年庚寅武平江陰諸路地震大水載及戊午

而宇宙廓清日月宣朗萬物之所終始也是

歷以金水火木相亞爲序漢晉唐宋各居四
歷之中必以水火木金依數求之則自明戊
午至咸淳戊辰爲水末際又至紹興戊寅爲
水中際又至慶曆八年戊子爲水初際參而
兩之以寧嘉二年壬戌爲中際上下華胡未
有分據又進求火運三百八十五年自慶曆
丁亥至末唐天祐十七年庚辰爲火末際又
至德宗貞元八年壬申爲火中際又至高宗
麟德元年甲子爲火初際參而兩之以咸通
五年甲申爲中際治亂終始亦未勻停又進
求木運自唐龍朔三年癸亥至梁天監十五
年丙申爲木末際又至海西公太和四年巳
巳爲木中際又至漢後主建興元年癸卯爲
木初際參而兩之以魏太平真君作壇受符
之歲在元嘉壬午爲中際徒具成數而已卽
以金水火求之第三運移火從木自梁主

釋至宋太宗淳化癸巳四百四十中分二百
百二十爲天寶十三載得其中際猶不得前
後故知河圖順行雜書逆轉之爲膠柱水一
火二木三金四之爲腰鼓也要以數十千年
之內五行屈伸貫穿五十周游八虛何者不
屈聊舉成數以引其端云耳

以上所論歲月日星辰曆數皆有定序千古
不易間有易者若五行曆數循環起止前後

易序無關災咎箕子所稱歲月日時不易日
月歲時旣易者必如古人所稱蛇乘龍星紀
淫於玄枵之說然歲星遞移陰陽縣絕春秋
所惟今皆爲嘗必如歲鎮熒惑金水錯行黃
道皆上歷太微下連箕斗於奎婁角亢之間
與日月出入不能無相凌犯要不至大易其
序皆爲嘗行如古者不知日月食朔之說卽
十月之詩驚詫異嘗今皆豫刻分秒不失躔

度則不宐以異嘗日之然以月掩日以日衝
月則真可謂易矣月行至低去日皆十三度
外則去歲填熒惑金水亦可十三四度有道
經三垣及諸次舍吞掩諸星從下視之如有
反易實不相干五星相差高下去天各可數
度每度視地三百六十餘里如船帆影相去
三百里外決無關虧之虞但因人所見以爲
反嘗則隨地修省耳秦漢以下設立官次分

奠列國皆非職方保章之舊必如曰某星犯
某國犯某官主有某災則鬪爭搏擊之禍皆
因而起決非聖人之所推求又如水貌火言
木視金聽古人不用辰熒歲白之占亦以爲
兵喪水旱雜著其兆耳今依春秋再舉日食
彗孛歲饒之年以爲五紀反易餘不暇詳焉

日月失紀

魯隱公三年二月己巳朔日食

桓公三年七月壬辰朔日食

桓公十七年十月朔食明年夏喪至自齊

莊公十八年五月壬子朔食

莊公廿五年七月辛未朔食

莊公廿六年十二月癸亥朔食

僖公五年九月戊申朔食

文公元年三月癸亥朔食

文公十五年六月辛丑朔食

宣公八年七月甲子朔食既時楚人始霸

宣公十年四月丙辰朔食

宣公十七年五月癸卯朔食

成公十六年六月丙寅朔食

成公十七年十一月丁巳朔食

襄公十四年二月乙未朔食

襄公十五年八月丁巳朔食

襄公二十年十月丙辰朔食

襄公二十一年九月庚戌朔食

襄公二十三年二月癸酉朔食

襄公二十四年七月甲子朔食既

襄公廿七年十一月乙亥朔食明年靈王崩

昭公七年四月甲辰朔食

昭公十五年五月丁巳朔食

昭公十七年六月甲戌朔食

昭公二十一年七月壬午朔食明年王室亂

昭公二十四年五月乙未朔食明年孫于齊

昭公三十一年十二月辛亥朔食明年薨乾

侯

定公五年辛亥朔食十二年十一月丙寅朔

食

定公十五年八月庚辰朔食是年夏薨高寢

哀公十四年五月庚申朔食是為春秋之終

凡日食有嘗行而詩刺不減亦藉以示儆

也惟王省歲蓋以憫農敬義統歲之成猶
之受終舉要云耳卿士惟月師尹惟日此
皆不關朔食之事然曆數推行則必以朔
食爲始春秋三十六食不書事應而弑君
之變密與相符亦猶之以日當辟也昭公
三十一年十二月辛亥朔食史墨以爲吳
將入郢則是以楚當日也凡日月之食因
地所見以爲淺深是時魯事楚而不事周
故以辰尾爲楚以楚當日猶之本國所見
亦當其本國之君也此特舉垂象而言不
關省協之義如五紀本意則以九疇相起
二十六萬二千九百八十爲六十歲週甲
之辰四週加二謂之曆數以歲分之每歲
各得四千三百七十四謂之歲數以月分
之每月各得三百六十四半謂之月數以
日分之每日各得十二謂之日數以星分

之每星一辰謂之辰數此歲月日辰皆大者舉綱小者舉目重者舉全輕者舉碎猶六爻一卦十有八變統得四千九十六其初六變可以得歲其中六變可以得月其末五變可以得日其上末一變可以得辰總六十四卦則可以得閏得交得食而成曆數繇是以辨省位則初六變爲王中六變爲卿士末五變爲師尹上一變爲庶民

文因世所居視其貞悔以風雨寒溫爲候前文世之有道術者皆用之使入政之官皆依文此起事以得其陰陽所在恰當不易不然高則五紀八政未有所繫猶帝王之自爲疇象非疇象之自爲天地也春秋紀歲必紀日紀日必紀其干支一一不爽則當時所爲歲月日日月歲之說必有確然可據者古學久湮俗禁反泥故復以春秋而下日

月交食之數次於後焉

漢高帝三年十月甲戌晦食

高帝九年六月乙未晦食既是呂氏殺趙王

惠帝七年十二月辛未朔食是猶之前食應

高后二年六月丙戌七年正月己丑食應

文帝二年十一月癸卯三年十月丁酉食

文帝三年十一月丁卯四年四月丙辰食

文帝七年正月辛未朔食是皆不應

景帝三年壬午食是皆應諸侯王

景帝七年十二月庚寅朔食是廢太子榮

中元元年十二月甲寅三年九月戊戌食

中元六年八月辛亥朔食

後元元年八月己巳朔食又明年應陽陵

武帝建元二年二月丙戌三年九月丙子食

元光元年二月丙辰七月癸未日食

元朔二年二月己巳元狩元年五月乙巳食

元鼎五年四月丁丑大始四年十月甲寅食

征和四年八月辛酉食將既又明年應雲陵

昭帝始元三年十一月壬辰朔食

元鳳元年七月己亥朔食是有燕王旦之誅

宣帝地節元年十二月癸亥食應楚王延壽

五鳳元年十二月乙酉食殺韓延壽

五鳳四年四月辛丑朔食殺楊惲

元帝永光二年三月壬戌四年七月戊寅食

建昭五年七月壬申食明年應渭陵

成帝建始三年十二月戊申朔食

河平元年四月己亥食且既時大封諸舅

陽朔元年三月丁未朔食王鳳殺王章

永始元年九月丁巳食時莽封新都侯

永始二年三月乙酉三年二月己卯食

永始四年八月辛未朔食

元延元年正月己亥朔食

哀帝元壽元年正月辛丑朔食殺王嘉

元壽二年四月壬辰朔食六月應義陵

前漢二百一十三年日食五十三應王躬

者七

光武建武元年正月庚午朔食應更始

建武二年正月甲子朔三年六月乙卯朔食

建武六年十月丙寅朔七年四月癸亥朔食

建武十六年三月辛丑十七年二月乙未食

建武廿二年五月乙未廿五年三月戊申食

建武廿九年二月丁巳朔食

建武三十一年六月癸酉朔食

中元元年十二月甲子朔食明年應原陵

明帝永平三年九月壬申朔食

永平八年十一月壬寅朔食

永平十三年十二月甲辰朔食楚王英罪廢

永平十六年六月戊午朔食

永平十八年十二月甲辰朔食是歲應節陵

章帝建初五年二月庚辰朔食

和帝永元四年六月戊戌朔食

永元七年四月辛亥朔十二年七月辛亥朔

中食

永元十五年五月甲子朔食是立鄧后

安帝永初元年三月癸酉朔食

永初五年正月庚辰七年五月丙申朔食

元初元年十月戊子朔食明年立閻后

元初二年十月壬午三年三月辛亥朔食

元初四年二月五年八月六年十二月皆食

延光三年十月庚寅朔食是廢太子保

順帝永建二年七月甲戌朔食

永和三年十二月戊戌五年六月己丑食

永和六年九月辛亥朔食梁冀爲大將軍

桓帝建和元年正月辛亥朔食殺杜喬李固

建和三年五月丁卯朔食

元嘉二年七月庚辰朔食

永興二年九月丁卯朔食是瑯琊盜起

延熹八年二月丙申朔食鄧皇后自殺

永康元年六月壬子朔食是應宣陵

靈帝建寧元年五月丁未十一月甲辰朔食

建寧四年三月辛酉朔食

熹平二年三月癸酉朔食秋捕繫太學生

光和元年二月辛亥朔十一月丙子朔食

光和二年四月甲戌朔食是殺宋廢后

光和四年九月庚寅朔食

中平六年四月丙午朔食丙辰是應文陵

獻帝初平四年正月甲寅朔食

興平元年七月乙巳朔食明年露次曹陽

建安五年九月庚午朔食曹操滅董氏

建安六年三月丁卯十月癸未朔食

建安十三年十月癸未十五年二月己巳朔

食正平六月庚午朔食曹魏魏董

建安十五年二月乙巳十七年六月庚寅食

建安二十一年五月己亥朔食曹操稱魏

建安二十四年五月壬子朔食明年改命

後漢百九十六年日食七十二應王躬者

武五二年四月甲寅朔食

章武二年正月丙寅朔食明年是應惠陵

建興二年十二月戊辰朔食

建興九年十二月戊戌朔食

建興十一年閏五月庚寅朔食明年獻帝薨

延熹八年十月戊申朔十年三月庚午朔食

延熹十一年二月甲子朔食

景耀二年七月戊子朔食

景耀三年正月乙酉朔食司馬昭弑曹髦

景耀五年十一月己亥朔食明年成都陷

晉武帝泰始二年二月庚戌七月丙午朔食

泰始七年十月丁丑朔食安樂公卒

泰始八年十月辛未朔九年四月戊辰朔食

泰始十年四月癸亥朔食

咸寧元年八月甲申三年二月丙子朔食

咸寧四年正月庚午朔食

太康四年三月辛丑七年正月甲寅朔食

太康八年正月戊申十二月戊申朔并食

永熙元年正月壬申朔食四月應舍章殿

惠帝元康九年十一月甲子朔食廢太子遹

元康元年正月己卯四月辛卯食應趙王倫

光熙元年正月七月十二月皆食是祖惠帝

懷帝永嘉元年十一月二年正月食

愍帝建興四年六月十二月食

建興五年五月十月并食是應在平陽

元帝大興元年四月丁丑朔食亦應劉聰

明帝大寧三年十月癸巳朔食明帝先殂

成帝咸和二年五月甲申六年三月壬戌食

咸和九年十月乙未朔食

咸康元年十月乙未七年二月甲子朔食

咸康八年正月乙未朔食成帝乃殂

穆帝永和二年四月七年正月八年正月食

升平四年八月辛丑朔食明年穆帝乃殂

哀帝隆和元年三月十二月食政在桓氏

帝奕太和三年三月五年七月食

孝武寧康三年十月癸酉朔食

太元六年六月九年十月十七年五月食

太元二十年三月庚辰朔食明年應清暑殿

安帝隆安四年六月庚辰朔食是應桓氏

元興二年四月癸巳朔食冬上遷于潯陽

義熙十三年正月甲戌朔食明年弒于東堂

恭帝元熙元年十二月丁亥朔食是乃革命

宋文帝元嘉元年二月己卯食是廢少帝命

元嘉三十年閏七月辛丑朔食先應子劬

孝武孝建元年七月丙申朔食既

明帝太始四年四月庚午十月丁卯朔食

廢帝元徽六年三月九月朔食明年革命

齊高祖建元三年七月己未朔食明年上殂

武帝永明元年十二月乙巳朔

廢帝隆昌元年五月甲戌朔食是廢兩帝

東昏侯永元三年正月丙辰七月癸巳朔食

梁武帝天監元年七月丁巳食是殺東昏

天監十五年三月戊辰朔既去宗廟犧牲

普通三年五月壬辰朔既

大通八年四月癸丑朔食北魏始亂

太清元年正月己亥朔食

太清二年七月庚寅朔食明年夏陷臺城

陳武帝永定三年五月丙辰朔食陳主殂

宣帝大建七年十二月辛亥朔食
大建八年六月戊申朔食周始滅齊
周靜帝大象二年十月癸丑朔食明年入隋
隋文帝開皇七年五月乙亥朔食明年滅陳
仁壽元年二月乙卯朔食

煬帝大業十二年五月丙戌朔食既
凡日食史不能盡書書不能盡應自晉五
代至隋三百五十四年間日食應主皆在

南朝惟梁陳而後永定三年五月丙辰朔
食其年夏陳主霸先歿冬齊主高洋歿以
高洋後于霸先猶應無二日之義也其先
梁大通八年四月癸丑朔食冬宇文泰醜
魏主脩于長安高歡立清河世子于維陽
差有其應蓋是時梁主已從胡教而天道
北行其先四朝二十二主應者十三故知
上天陰騭纖毫不爽卿尹月日總爲省歲

而生歲時尅應不在三朝之限舊法論日
食必眊星躔若文伯之稱去衛地而如魯
地劉向之以奎爲卑賤婦人東井上應京
師是也然合而稽之皆未必然雖日月干
支歲德歲刑金稔木惡火旱水饑之說皆
參半不驗惟修德修刑修救差爲近之後
世五行家尅應皆以日辰爲主亦士民沿
習不關君相事也唐宋而下日食視上

世加詳又并繫於後云

唐高祖武德元年十月壬申朔食

武德九年十月丙辰朔食是貞觀之始

貞觀元年閏三月癸丑九月庚戌朔食

貞觀二年三月戊申三年八月己巳朔食

貞觀四年閏正月丁卯六年正月乙卯朔食

貞觀九年閏四月丙寅朔食上皇乃崩

貞觀十一年三月丙戌朔食冬入武氏

貞觀十七年六月己卯朔食廢太子

貞觀廿二年八月己酉朔食明年應翠微宮

高宗顯慶五年六月庚午朔食武氏親萬幾

上元元年三月辛亥朔食秋稱天后

永隆元年十一月壬申朔食應太子賢

永淳元年四月甲子十月庚申食明年上崩

垂拱四年六月丁亥朔食大殺唐宗室

中宗神龍三年六月丁卯十二月乙丑朔食

玄宗先天元年九月丁卯朔食

開元三年七月庚申朔食明年上皇崩

開元二十年二月甲戌廿一年七月乙丑食

開元廿二年十二月廿三年閏十一月朔食

天寶元年七月癸卯五載五月壬子朔食

天寶十三載六月乙丑朔且既明年祿山反

肅宗至德元載十月辛巳朔食是上在成都

代宗大曆三年三月乙巳朔食

大曆十四年七月戊辰朔食是年德宗立

德宗貞元八年十一月壬子朔食

貞元十二年八月己未十七年五月壬戌食

憲宗元和三年七月辛巳十年八月己亥食

元和十三年六月癸丑朔食應又明年正月

穆宗長慶二年四月辛酉三年九月壬子食

文宗太和八年二月壬午朔食應在李訓

武宗會昌三年二月庚申朔食

會昌五年七月丙午朔食明年立太叔

宣宗大中八年正月丙戌朔食

懿宗咸通四年七月辛卯朔食

僖宗六年四月庚申朔食盜巢陷湖南

文德元年三月戊戌朔癸卯僖宗崩

昭宗天佑元年十月癸卯朔食秋應於椒殿

梁太祖開平五年正月丙戌朔食明年見弒

唐同光三年四月癸亥朔食明年應於伶人

晉天福七年閏四月甲寅朔食晉主殂

漢隱帝乾佑三年十一月甲子朔食應是月

周太祖廣順二年四月丙戌朔食

宋太祖建隆元年五月己亥朔食

建隆二年四月癸巳朔食六月杜太后崩

開寶元年十二月己酉朔食

開寶三年四月四年十月五年九月庚子朔食

開寶八年七月辛未朔食明年上崩

太宗二年十一月丁亥朔食

雍熙二年十二月庚子三年六月戊戌朔食

淳化二年三年四年二月皆食

真宗咸平元年五月十月五年七月朔食

天禧五年七月甲戌朔食明年上崩

仁宗乾興元年七月甲子朔食既

天聖六年三月丙申七年八月丁亥朔食

明道二年六月甲午朔食冬廢郭后

至和元年四月甲午朔食既

神宗熙寧元年正月甲戌朔食始用王安石

元豐六年九月癸卯朔食

徽宗大觀元年十一月壬子朔食

大觀二年五月庚戌四年九月丙寅朔食

政和三年三月壬子五年七月戊辰朔食

政和八年五月壬午朔食時約金伐遼

宣和元年四月丙子朔食時師敗於朔方

高宗建炎三年九月丙午朔食時苗劉事起

紹興五年正月乙巳朔食上皇殂于金

紹興三十二年正月戊申朔食上乃內禪

孝宗隆興元年六月庚申朔食時師潰符離

淳熙十年十月壬戌朔食時禁偽學

寧宗慶元元年三月丙戌朔食殺趙汝愚

開熙二年二月壬子朔食韓侂胄用事

嘉定十六年九月庚子朔食金主珣卒

寶慶三年六月戊申朔食元主殂于盤山

恭帝德祐元年六月朔日食既宋祚乃絕

元至元二十九年正月甲午朔食

至元三十一年六月朔食世祖先應

成宗大德元年四月癸巳朔食

仁宗延祐六年二月丁亥朔食明年英宗立

英宗至治二年十一月甲午朔食明年見弒

泰定帝四年九月丙申朔食明年殂于上都

文宗至順二年八月甲辰朔食明年文宗殂

順帝元統二年四月戊午八月甲戌朔食

至正十八年六月戊辰十二月乙丑朔食

至正廿一年四月辛巳七月辛酉朔食

自唐武德至元終四百四十七年四十五

主應者二十六君惟嘉定十六年九月庚

子朔食應金主珣寶慶三年六月戊申朔

食應元主真殂于盤山是時宋祚式微雖

云正朔而天命不歸元雖夷狄而混一天
下八九十年之間日德屢倣觀於武德貞
觀建隆開寶之際天意丁寧長慶太和熙
寧宣和上下薄蝕鮮少而陰隲相協之故
槩可知矣宋世諸臣每當日食猶以陰雲
不見為瑞可嘆也夫

星辰失紀

魯莊公七年四月辛卯恒星不見星隕如雨

僖公十六年正月戊申朔隕石于宋五

文公十四年七月有星孛于北斗

昭公十年冬有星孛于大辰

哀公十三年十月有星孛于東方

貞定王二年彗星見星孛于大辰

考王八年彗星見出西

赧王十年十二年九年彗星見

秦始皇七年五月彗星見西方

始皇九年四月彗見西方又出北方斗下

始皇十三年正月彗見東方

始皇三十三年彗出西方

漢高帝三年七月有星孛于大角

文帝後七年有星孛于西方直尾箕指虛危

景帝二年彗出西南

景帝中元三年三月彗見西北出觜觿

武帝建元三年二月有星孛于注張歷紫宮

建元三年四月有星孛于天紀至織女

建元六年六月孛于北方八月孛于東方

元狩四年四月長星出西北

元封元年五月星孛東井及三台

征和四年二月隕石于雍二

宣帝地節元年正月星孛于西方

黃龍元年三月有星孛入紫宮

元帝初元四年四月有星孛于參

建昭元年正月戊辰隕石于梁六

成帝建始元年正月有星孛于營室

建始四年正月癸卯隕石于藁肥累

陽朔三年隕石白馬入

永始二年二月癸未夜中星隕如雨

元延元年七月有星孛于東井踐五諸侯

哀帝建平二年二月彗出牽牛

王莽地皇三年十一月有星孛于張

光武建武十五年春彗見昴畢入東壁

建武三十年閏四月水在東井發芒為孛

明帝永平三年夏彗出天船入于亢

永平八年夏彗出柳張犯上階遣使之天竺

永平十八年夏彗出張南入太微秋上崩

章帝建初元年秋彗出天市入牽牛

建初元年冬彗出婁稍入紫宮

殤帝延平元年九月隕石陳留四

安帝永初三年冬彗出天苑

順帝永建六年春彗出奎婁入軒轅

桓帝建和元年秋彗出天市入中

延熹四年夏客星在營室發芒入心

延熹七年二月癸亥隕石右扶風

靈帝光和元年彗出亢北入天苑

光和三年秋彗出三台下入太微

光和五年春彗出奎入紫宮

獻帝初平三年秋蚩尤旗出角亢南

初平四年冬孛見兩角入天市

建安五年冬有星孛于大梁

建安九年冬有星孛于東井

建安十一年春有星孛于斗中

建安十二年冬有星孛于鶉尾

建安十七年冬有星孛于五諸侯

建安廿三年春孛歷五車軒轅太微

共... 卷之十九

建興三年冬有星孛于少微收南中四郡

建興九年冬有星孛于翼破殺張郃

建興十四年冬孛見大辰入天紀

延熙元年秋彗見張明年春魏主叡殂

延熙三年冬彗出尾拂牽牛

延熙八年秋彗見七星蔣琬董允卒

延熙九年春孛于昴入于軫

延熙十四年冬有星孛于營室

延熙十五年春彗出于胃夏吳主權殂

延熙十六年冬彗大出軫明年魏廢其君

延熙十八年春彗出于箕尾

景耀五年冬彗出亢

魏咸熙二年夏彗出東壁秋晉受魏禪

晉武帝泰始四年春彗出軫五年秋孛于紫

宮

泰始四年七月星隕如雨皆西流

泰始十年冬有星孛于軫

咸寧二年秋有星孛大角及太微

咸寧三年春孛于胃秋孛于紫宮

咸寧四年夏蚩尤旗見五年孛三見于太微

太康二年秋有星孛于張

太康四年春孛于鶉尾八年秋孛著于南斗

太康九年八月壬子星隕如雨

太熙元年夏孛于紫宮帝乃崩

一惠帝元康五年夏孛見于西方至三台大陵

永康元年冬孛出牽牛指天市

太安元年夏孛星晝見諸王相屠

太安二年春孛見東方指三台

永興二年秋孛于昴畢冬孛于北斗旋璣

咸帝咸和四年秋孛犯斗冬石勒虜劉曜

咸康二年春孛出奎六年春孛于太微

康帝建元元年冬孛見于亢明年上崩

穆帝永和五年冬彗見于亢石氏乃滅

穆帝永和六年春彗再見于亢五胡乃爭

升平二年夏彗出胃

哀帝興寧元年秋孛見于角亢假桓温黃鉞

孝武寧康元年彗星三見

太元十五年秋彗著于河戍入胡門

安帝隆安四年春孛著于奎經太微端門

隆安四年冬有星孛于貫索孫劉乃叛

義熙十一年夏彗星二出天市掃帝座

義熙十四年夏有星孛于斗魁中應在東堂

恭帝元熙元年星孛于太微西蕃是乃革命

宋武帝永初三年孛再見于北方

少帝景平元年孛再見于東北

文帝元嘉十九年冬孛在北斗掃五車

元嘉廿六年廿八年彗再見太微應在兕劬

齊東昏永元三年彗長竟天蕭梁革命

梁武帝普通元年彗見爾朱榮破魏

中大通四年七月甲辰星隕如雨

大同五年冬彗出南斗東魏喪師

陳文帝天嘉六年夏彗見上台齊主內禪

陳宣帝大建七年夏星孛于大角周滅齊

大建十二年冬彗見西南明年周禪於隋

隋開皇三年彗星著于房心是陳後主元年

開皇五年八月戊申有星隕如雨

開皇八年冬星孛于牽牛

開皇十四年冬彗星見于奎婁

煬帝大業三年春彗見西方竟天秋再見

大業四年彗出五車掃文昌

大業十一年夏有星孛于文昌

大業十三年夏彗見于太微是乃革命

唐高祖武德九年春有星孛于昴胃是革政

太宗貞觀八年秋有星孛于玄枵

貞觀十三年春有星孛于大梁

貞觀十五年夏有星孛于太微

高宗龍朔三年秋彗見于左攝提

乾封二年夏彗見于五車

上元二年冬彗見于角亢南三年秋見東井

開耀元年彗見天市

中宗文明元年秋天欃見于西方

景龍元年冬二年春有星孛于昴胃

玄宗開元二年五月乙卯晦有星大小無數

皆西北流

開元十八年夏彗出五車孛見昴畢

開元二十六年孛見于紫宮

肅宗乾元三年夏彗著于婁胃

代宗廣德二年十二月丙寅徹夜星流如雨

大曆五年夏彗著于五車又著于北方

德宗興元元年六月戊午星什伍皆隕

憲宗元和十年彗犯軒轅

元和十二年春彗見于畢是誅元濟

穆宗長慶元年春孛見太微夏彗見于昴

文宗太和四年六月辛未乙夜星流無數

太和七年六月戊子夜流星無數

太和八年秋彗著于太微

開成四年春彗星守危至于軒轅秋彗見玄

支榜

開成三年冬彗出箕尾亘天

開成四年春彗出卷舌二月乙亥星俱西流

開成五年春冬彗再見魚仇廢太子

武宗會昌元年秋冬孛見營室

宣宗大中六年春彗出觜參

懿宗咸通六年大流星偕諸小星自南徂北

咸通九年春彗見婁胃明年秋見大陵

僖宗中和元年八月己丑大小星隕如雨

光啓二年五月有星孛于尾箕明年如鳳翔

昭宗大順二年夏彗出三台掃天市

景福二年彗著于太微李茂貞犯京師

天祐二年夏彗著于軒轅是乃革命

梁乾化二年夏彗出張是應友珪

後唐明宗元年六月乙未衆小星交流

天成三年彗出牽牛

長興元年九月辛酉夜衆小星交流而隕

恭帝太清三年秋彗出天哭自焚於懷州

晉天福六年冬彗掃天市垣明年晉主殂

周世宗顯德三年正月有星孛于參

宋太祖開寶八年彗著于柳至東壁

太宗端拱二年夏彗出東井西南流

淳化二三年每有流星分一爲三相從而沒

真宗咸平元年春彗出營室六年冬見井鬼

景德三年五月乙卯客星出天津分爲四沒

天禧二年彗著于斗魁歷軒轅七星為四流

仁宗乾興十年八月星出胃逆為六七西流

景祐二年秋孛見于張翼冬廢后郭卒而彗

景祐四年七月彗出虛未于婁至東望

皇祐元年春彗出虛未于婁至東望

嘉祐元年彗出紫薇亦見于婁

英宗治平二年春彗著于營室明年土崩

神宗熙寧八年冬彗出軫中是罷手實法

哲宗紹聖四年秋彗出氏中入天市熒昂曰

徽宗崇寧五年春彗出奎入于濁

靖康元年夏彗出紫微垣

高宗紹興十五年夏彗出參

紹興二十二年秋彗出井金遷都于燕

孝宗淳熙二年秋星孛于紫微垣

寧宗嘉定十五年秋孛出右攝提

元世祖至元元年秋彗出輿鬼

至元三十年彗入太微垣明年鐵木耳立
成宗大德八年彗守營室

仁宗皇慶二年彗出東井

順帝至正三年夏彗著于東北

順帝二十六年彗見于紫微

至正二十八年春彗出于昴畢没于昴

凡史家占驗著于五星而春秋所書止及
隕孛蓋隕孛之象著而五星之緯微易曰

天垂象見吉凶聖人則之亦取其明著者
而已戰國以來所言星辰皆不應經義卽
如五運六氣太過不及之說以氣生運爲

順化若甲子甲午甲寅甲申火下生土壬

辰壬戌水下生木乙丑乙未土下生金辛

卯辛酉金下生水癸巳癸亥木下生火之

類以氣克運曰天刑若庚子庚午庚寅庚

申火下克金戊辰戊戌水下克火辛丑辛

未土下克水丁卯丁酉金下克木巳巳巳
庚木下克土之類運生氣曰小逆相得則
微壬子壬午壬寅壬申木上生火庚辰庚
戌金上生水癸丑癸未火上生土巳卯巳
酉土上生金辛巳辛亥水上生木之類運
克氣曰不和不相得則甚如丙子丙午丙
寅丙申水上克火甲辰甲戌土上克水丁
丑丁未木上克土癸卯癸酉火上克金乙

巳乙庚金上克木之類若此則專倚于支
亦春秋之所不訓且聖人以五紀及易其
所關係獨在俊民必非泛泛如年穀不登
水旱疾疫之說易曰天地閉賢人隱誠使
春行秋令夏隕冬霜賢人君子必有不獲
康寧者至如南宋之季月或一年四食日
多頻月無光則亦巧曆所遺中隸首之筭
外也歲饑與食葶殊倫似不足紀然聖人

首重民命百穀著于功歌以春秋洪範之
所并錄故亦屬綴于後焉

歲時失紀

魯莊公六年螟七年無麥苗十七年多麋

莊公二十年齊大災二十八年大無麥禾

文公三年雨螽于宋

宣公十年饑十三年螽十五年蝻生饑

襄公二十四年大饑哀公十三年螽

秦皇十六十九年大饑

漢高祖二年關中大饑民就食蜀漢

武帝建元三年元鼎三年平原關東民相食

元帝初元元年秋二年夏饑關齊民相食

光武二年關中大饑

安帝永初三年京師人相食

桓帝延熹九年豫州民饑死什四五

靈帝光和五年京師大疫

獻帝興平二年關中民相啖白骨委積

晉愍帝建興四年大饑

元帝大興二年吳郡無麥禾

成帝咸和五年無麥禾穆帝永和十二年饑

孝元太元六年無麥禾安帝元興元年大饑

北齊武平四年山東大饑

隋煬帝大業五年燕代齊魯皆饑

唐貞觀元年關內饑

高宗總章二年郡國大饑

儀鳳四年春東都饑調露元年秋關中饑

永隆元年冬東都饑永淳元年京師人相食

垂拱三年大足元年景龍二三年郡國饑

先天二年京師岐隴饑

開元十六年河北饑時立長征酬勳格

乾元三年春京師饑廣德二年秋關輔饑

貞元元年二年大饑時作大盈庫初稅茶

貞元十四年十九年饑時裴延齡用事
元和七年至十一年皆饑

長慶二年江淮饑大和四六九年郡國大饑
大中五年六年九年湖南淮南饑

咸通九年東都大饑龐勛陷淮南五州

乾符三年京師饑時天平軍亂

光啓二年荆襄人相食時朱玘王行瑜亂

大順二年春淮南大饑時王師潰於趙城

天佑元年京師大饑時有椒殿之禍

宋明道二年江南餉種皆絕時劉后見太廟

建炎元年汴京大饑人相啖道殣無甯

建炎三年金陷東郡饑盜載屍爲糧

紹興元年至五年十年十一年郡國皆饑

紹興十八年紹興府大饑時竄胡銓于嶺南

紹興廿八九年大饑

隆興元年江南大饑時王師潰于符離

淳熙元二三年至九年十年皆大饑無麥禾

淳熙十一二年嶺東西大饑時禁偽學

紹熙二四五年江淮食草木時李氏殺貴妃

嘉泰元年至四年江上下皆饑時金人乞和

嘉定元年至十六七年皆饑猶受寶大慶殿

嘉熙四年臨安市買人肉時史嵩之爲政

元至元廿一年至廿八九年郡縣多大饑

成宗元貞二年至大德十一年郡縣多饑

武宗至大元年江南大饑東郡父子相食

仁宗延佑二年至七年郡國大饑

順帝至正元年至五年畿輔人皆相食

至正十四年江嶺間饑父子相食

自春秋至元終二千九十年惟漢文景昭

宣四朝不饑百穀用成及前宋百六十年

間少饑耳饑之最甚至父子相食惟三代

之季若漢安帝永初而下唐德宗貞元而

下南宋建炎紹興而下無歲無地不饑百
姓彫劫國祚隨之書云四海困窮天祿永
終故水火疾疫歲皆不成而歲事不成兼
有旱蝗兵革之變洪範說省歲專指百穀
至固應以農事為本而五行庶徵別自分繫

亦各從其

神人皆附會

宗廟

大

宗廟

大



